



შპს “დილის პროდუქტები”

წლიური ანგარიში და დამოუკიდებელი აუდიტორის
დასკვნები

2017 წელი



ზოგადი სარჩევი

წლიური ანგარიშის წარსადგენად დამტკიცება	A
2017 ფინანსური წლის მმართველობითი ანგარიში	i
სპეციალური დანიშნულების ფინანსური ანგარიშგება.....	8
დამოუკიდებელი აუდიტორის დასკვნა.....	9
დასკვნა ფინანსურ ანგარიშგების აუდიტზე.....	9
დასკვნა სხვა საკანონმდებლო და მარეგულირებელ მოთხოვნებზე.....	11



წლიური ანგარიშის წარსადგენად დამტკიცება

წინამდებარე 2017 წლის წლიური ანგარიში: მმართველობითი ანგარიში (საქმიანობის მიმოხილვა) და ფინანსური ანგარიშგება დამტკიცებულია შპს „დილის პროდუქტები“-ს ხელმძღვანელობის მიერ:

ბ.-ნი გ. ლომიძე, დირექტორი

ბ.-ნი დ. ცხედიანი, ფინანსური დირექტორი



სარჩევი

შესავალი და მოკლე მიმოხილვა.....	ii
თანამედროვე გამოწვევები.....	ii
2017 წლის მიმოხილვა.....	iii
მომავალი გეგმები.....	iii



შესავალი და მოკლე მიმოხილვა

შპს „დილის პროდუქტები“ დაფუძნებულია 2006 წლის 1 სექტემბერს კოდის მეფრინველეობის ფაბრიკის ბაზაზე. რომელიც მდებარეობს თეთრიწყაროს რაიონში - სოფელ კოდაში, საწარმოს ფართობი შეადგენს 53 ჰექტარს.

საწარმოში განთავსებულია თანამედროვე ტექნოლოგიებით აღჭურვილი ინკუბატორი 400 000 ფრთაზე, სანაშენე წიწილების გამოსაზრდელი საფრინველე (105 000 ფრთა/ადგილი), კვერცხმდებელი ქათმის საფრინველეები (400 000 ფრთა/ადგილი) ბროილერის ქათმის საფრინველეები (260 000 ფრთა/ადგილი)

ფრინველი იკვებება მხოლოდ ადგილზე (საწარმოში), ყოველგვარი ქიმიური დანამატების გარეშე დამზადებული საკვებით, რომელიც შემოწმებულია მიკრო-ბიოლოგიურ დაბინძურებაზე საწარმოში არსებულ ლაბორატორიაში, კომბინირებული საკვების დამზადება ხდება საკვებ-დამამზადებელ საამქროში, (15 ტნ/სთ ფხვიერი და 10ტნ/სთ გრანულირებული საკვების წარმადობით) რომლის სასაწყობე მეურნეობა მოიცავს 3 000 კვ.მ. იატაკურ და 5 400 კვ.მ მოცულობის მარცვლეულის შესანახ ელევატორს.

საფრინველეებში ყველა პროცესი ავტომატიზირებულია. ფრინველი იზრდება სუფთა, ჯანსაღ გარემოში. ფაბრიკაში არსებული ნარჩენების გადასამუშავებელი დანადგარი, გარემოს იცავს დაბინძურებისაგან.

საწარმო სერთიფიცირებულია ISO 9001 - 2015 სერთიფიკატით და ასევე აღებულია აქვს ხარისხის ნიშანი.

თავდაპირველად საწარმო,სამარკო ნიშნით “დილა” ქართულ ბაზარზე წარმოდგენილი იყო ბროილერის (მეხორცული) ქათმის ხორციტა და სუბპროდუქტებით. 2007 წელს დაემატა სუფრის კვერცხის წარმოება. დაარსების დღიდან შპს „დილის პროდუქტები“-ს მიერ წარმოებული პროდუქცია, მომხმარებელთა შორის დიდი პოპულარობით სარგებლობს და ჯანსაღ კონკურენციას უწევს ადგილობრივ და იმპორტირებულ საქონელს. ამჟამად მიმდინარეობს ფაბრიკის სიმძლავრეთა გადართადება, ბროილერის წარმოება დროებით შეჩერებულია და მხოლოდ ქათმის კვერცხის წარმოება

შპს „დილის პროდუქტები“ მაღალკვალიფიციური კადრებითაა დაკომპლექტებული და მასში ქვეყნის მასშტაბით 230-ზე მეტი ადამიანია დასაქმებული. 2014 წლიდან შპს „დილის პროდუქტებმა“ გაფართოვა სადისტრიბუციო ქსელი. დაემატა ფილიალები იმერეთისა და აჭარის და სამეგრელო-ზემო სვანეთის რეგიონებში, რითაც სრულად იქნა ათვისებული დასავლეთ საქართველო. 2017 წლიდან კი სამცხე-ჯავახეთის და კახეთის რეგიონები. სრულად განახლდა კომპანიის ავტო-პარკი. გაიზარდა თანამშრომელთა ანაზღაურება.

თანამედროვე გამოწვევები

თანამედროვე მსოფლიოს მთავარი გამოწვევა ეკოლოგიური პრობლემები და მის წინააღმდეგ ბრძოლის სტრატეგიის შემუშავებაა. იმ პირობებში, როდესაც ბუნებრივი რესურსების ათვისება ყოველდღიურად იზრდება და დედამიწაზე ამოწურვადი რესურსების მარაგი მცირდება, განსაკუთრებული მნიშვნელობა ენიჭება წარმოების პროცესში იმ პროდუქციის ჩართვას, რომლის გარემოზე უარყოფითი გავლენა მინიმუმამდე იქნება დაყვანილი. სწორედ აღნიშნული, გარემოსდაცვითი პოლიტიკის ერთ-ერთი მიმართულებაა ქაღალდის შეფუთვის დანერგვა კვერცხის წარმოებაში, რომელიც კომპანია „დილის პროდუქტებმა“ წამოიწყო.კომპანიის მიზანია მონაწილეობა მიიღოს ევროკავშირთან დაახლოების პოლიტიკაში და მათ მიერ შემუშავებულ გარემოსდაცვითი რეგულაციების დანერგვასა და სრულყოფაში.



გარდა ჩვეულებრივი უკვე ყველასათვის ცნობილი პლასტმასის შეფუთვისა, 2017 წლიდან შპს „დილის პროდუქტები“ მომხმარებელს პროდუქციას სთავაზობს ეკო (ქაღალდის) შეფუთვაშიც. პირველ ეტაპზე, აღნიშნული შეფუთვა გამოყენებოდა ომეგა 3-ის პროდუქციაზე, ხოლო შემდეგ კომპანიამ ეკო (ქაღალდის) შეფუთვები დანერგა, ეტაპობრივად, მის მიერ წარმოებულ ყველა კატეგორიის პროდუქციაზე. აღსანიშნავია ის ფაქტიც, რომ შეფუთვის ცვლილება კვერცხის ღირებულებაზე არ მოქმედებს, ანუ მომხმარებლისთვის პროდუქტი არ გაძვირებულია.

ეკო შეფუთვების დანერგვის პროცესზე მუშაობა 2016 წლიდან დავიწყეთ, მოძიებულ იქნა წამყვანი კომპანიები, რომელთაც მსგავსი მიმართულებით უდიდესი გამოცდილება გააჩნიათ. ჩატარებული კვლევების შედეგად, საბოლოოდ, არჩეული მსოფლიოში ცნობილი, დანიურ კომპანია „HARTMANN“-ზე გადავკეთეთ.

კომპანია „დილის პროდუქტების“ და მისი პარტნიორების მიერ ეკო (ქაღალდის) შეფუთვების დანერგვა, თავისთავად გამოხატავს ჩვენს გარემოსდაცვით პასუხისმგებლობას, მომხმარებლებზე ზრუნვასა და მათთვის ჯანსაღი ეკოლოგიური გარემოს შექმნის სურვილს.

2017 წლის მიმოხილვა

2017 წელი საკმაოდ წარმატებული იყო წინა წლებთან შედარებით. წინა წელთან შედარებით არსებული ძველი საფრინველის შენობის ბაზაზე გავარემონტეთ და თანამედროვე ტექნიკით აღიჭურვა საფრინველე 30 ათას ფრთაზე. რამაც საშუალება მოგვცა წარმოებული პროდუქტი (კვერცხი) დაახლოებით 10.5% მეტი გვეწარმოებინა. ძირითადად ახალი პროდუქტები: როგორცაა ომეგა-3 გაჯერებული კვერცხის და ეკოლოგიურად სუფთა (ქაღალდის) შეფუთვა. აღნიშნული პროდუქტები კომპანიამ პირველმა შესთავაზა სამომხმარებლო ბაზარს და ჩვენდა სასიხარულოდ ბაზარმაც დადებითად მიიღო (ამის დასტურია ის რომ ეკო (ქაღალდის) შეფუთვა მოგვიანებით სხვა კომპანიებმაც წარმოადგინეს).

აღსანიშნავია ისიც, რომ მეფრინველოების ეს დარგი (კვერცხის წარმოება) სრულად აკმაყოფილებს ადგილობრივი ბაზარს ყოველგვარი იმპორტირებული პროდუქტის გარეშე.

2017 წელს ასევე ბაზარზე არ დაფიქსირებული ფასების დიდი რყევები და კომპანიამაც საკუთარი პროდუქტი მიაწოდა მომხმარებლებს გამოცხადებულ ფასებში, რამაც ფულადი ნაკადის მობილიზების საშუალება მოგვცა.

აქვე აღსანიშნავია რიგ ნედლეულზე და მარაგებზე შესყიდვის სტაბილური ფასი.

მომავალი გეგმები

2018 წელს გეგმავს:

1. შეინარჩუნოს ის მაჩვენებლები რომლებსაც მიაღწია 2017 წელს.
2. დაასრულოს ახალი წიწილის გამოსაზრდელი, რომელიც გათვლილია 30 ათას ფრთაზე, რაც საშუალებას მოგვცემს გავზარდოთ საწარმოო მოცულობები (წარმოებას დაემატება დაახლოებით 70 ყუთი (25 ათასი კვერცხი) დღეში)
3. ასევე კომპანიამ ასორტიმენტის გაზრდის მიზნით, თურქეთიდან შემოიყვანა 1 დღიანი ფერადი წიწილა, რომელიც თავის მხრივ 2018 წლის ნოემბრიდან დაიწყებს მუქი ფერის ნაჭუჭის მქონე ე.წ. ფერადი კვერცხის დადებას.
4. დაგეგმილია კომპანიის მატერიალურ და ტექნიკური ბაზის განახლება, (რაც თავის მხრივ მოიცავს თანამშრომელთა ანაზღაურების ეტაპობრივ ზრდასაც).
5. უფრო შორს მიმავალი გეგმები არის ბროილერის (მოხორცული ქათმის) წარმოების განახლება, რომელიც რიგი ობიექტური მიზეზების გამო გაჩერებული იყო 2011 წლიდან. ამისათვის კეთდება შესაბამისი გათვლები და მიმდინარეობს საჭირო დანადგარების მოძიება. ასევე დაგეგმილია ეკოლოგიური პროდუქტის (ბიოსასუქის) წარმოება.

შპს “დილის პროდუქტები”
დამოუკიდებელი აუდიტორის დასკვნა
და
სპეციალური დანიშნულების ფინანსური ანგარიშგება
31 დეკემბერი, 2017 წელი

სპეციალური დანიშნულების ფინანსური ანგარიშგება

დამოუკიდებელი აუდიტორის დასკვნა	9
ფინანსური მდგომარეობის სპეციალური დანიშნულების ანგარიშგება	13
სრული შემოსავლის სპეციალური დანიშნულების ანგარიშგება	14
ფულადი სახსრების მოძრაობის სპეციალური დანიშნულების ანგარიშგება	15
კაპიტალში ცვლილებების სპეციალური დანიშნულების ანგარიშგება	16
სპეციალური დანიშნულების ფინანსური ანგარიშგების ახსნა-განმარტებითი შენიშვნები	17
შენიშვნა 1. კომპანია და მისი საქმიანობა	17
შენიშვნა 2. კომპანიის საოპერაციო საქმიანობა	17
შენიშვნა 3. მნიშვნელოვანი სადრიცხოვო პოლიტიკის მოკლე მიმოხილვა	17
შენიშვნა 4. ძირითადი საშუალებები	27
შენიშვნა 5. ბიოლოგიური აქტივები	27
შენიშვნა 6. არამატერიალური აქტივები	28
შენიშვნა 7. სასაქონლო მატერიალური ფასეულობები	28
შენიშვნა 8. სავაჭრო და სხვა დებიტორული დავალიანება	28
შენიშვნა 9. ფულადი სახსრები და მათი ექვივალენტები	29
შენიშვნა 10. სესხები	29
შენიშვნა 11. სავაჭრო და სხვა კრედიტორული დავალიანება	29
შენიშვნა 12. შემოსავალი	29
შენიშვნა 13. ფინანსური ხარჯები, ნეტო	30
შენიშვნა 14. ფინანსური რისკის მართვა	30
შენიშვნა 15. ფინანსური ინსტრუმენტების წარდგენა შეფასების კატეგორიების მიხედვით	31
შენიშვნა 16. ფინანსური ინსტრუმენტების რეალური ღირებულება	32
შენიშვნა 17. დაკავშირებული მხარეები	33
შენიშვნა 18. გაუთვალისწინებელი მოვლენები და ვალდებულებები	33

დამოუკიდებელი აუდიტორის დასკვნა

შპს დილის პროდუქტების-ის დამფუძნებლებს:

დასკვნა ფინანსურ ანგარიშგების აუდიტზე

პირობითი მოსაზრება

ჩვენ განვახორციელეთ შპს დილის პროდუქტების (შემდგომში, „კომპანია“) სპეციალური დანიშნულების ფინანსური ანგარიშგების აუდიტი, რომელიც შედგება 2017 წლის 31 დეკემბრის მდგომარეობით მომზადებული სპეციალური დანიშნულების ფინანსური მდგომარეობის ანგარიშგებისაგან, აღნიშნული თარიღით დამთავრებული წლის სრული შემოსავლისა, საკუთარი კაპიტალის ცვლილებებისა და ფულადი ნაკადების სპეციალური დანიშნულების ანგარიშგებათაგან, ასევე - ახსნა-განმარტებითი შენიშვნებისაგან, რომელიც შეიცავს მნიშვნელოვანი სააღრიცხვო პოლიტიკის მოკლე მიმოხილვასა და სხვა ახსნა-განმარტებით ინფორმაციას.

ჩვენი აზრით, თანდართული სპეციალური დანიშნულების ფინანსური ანგარიშგება, ყველა არსებითი ასპექტის გათვალისწინებით, მომზადებულია ფინანსური ანგარიშგების ახსნა განმარტებითი შენიშვნა 2 – „მნიშვნელოვანი სააღრიცხვო პოლიტიკის მოკლე მიმოხილვა“ შესაბამისად.

ჩვენი აზრით, ჩვენი დასკვნის - „პირობითი მოსაზრების საფუძველი“- ნაწილში აღწერილი საკითხთა გავლენით განპირობებული შესაძლო შედეგების გარდა, თანდართული სპეციალური დანიშნულების ფინანსური ანგარიშგება, ყველა არსებითი ასპექტის გათვალისწინებით, მომზადებულია ფინანსური ანგარიშგების ახსნა განმარტებითი შენიშვნა 2 – „მნიშვნელოვანი სააღრიცხვო პოლიტიკის მოკლე მიმოხილვა“ შესაბამისად.

პირობითი მოსაზრების საფუძველი

სავაჭრო დებიტორული დავალიანება - კომპანიის სააღრიცხვო სისტემა ვერ უზრუნველყოფს არსებული სავაჭრო დებიტორული დავალიანების ნაწილის, კერძოდ დისტრიბუტორებზე რიცხული 610 ათასი ლარის სახელობით გაშლას ინდივიდუალური დებიტორების (დისტრიბუტორები წარმოადგენენ კომპანიის თანამშრომლებს, ხოლო დებიტორები არიან უშუალოდ ის პირების ვისზეც განხორციელდა საქონლის მიწოდება) დონეზე. შესაბამისად, ვერ ხორციელდება ამ აგრეგირებული დებიტორული დავალიანების ხანდაზმულობის გამოთვლა-შეფასება. ამრიგად, ჩვენ ვერ შევძელით დავრწმუნებულიყავით წარდგენილი სავაჭრო დებიტორული დავალიანების შეფასების სისწორეში.

მნიშვნელოვანი გარემოებები

ბუღალტრული აღრიცხვის საფუძველი - ყურადღება ვამახვილებთ იმ გარემოებაზე, რომ კომპანიის ხელმძღვანელობის მიერ, წინამდებარე სპეციალური დანიშნულების ფინანსური ანგარიშგება ნაწარმოებია ფინანსური ანგარიშგების საერთაშორისო სტანდარტებზე (შემდგომში ფასს) გადასვლის მიზნით. ახსნა-განმარტებითი შენიშვნა ნომერ 2 - ში ასახულია რომ, წინასწარი სპეციალური დანიშნულების ფინანსური ანგარიშგება მომზადებულია ფასს-ს ყველა მოთხოვნის გათვალისწინებით, რომლებიც გამოშვებულია და ეფექტურია ან გამოშვებულია და წინასწარ დანერგილია სპეციალური ფინანსური ანგარიშგების მომზადების თარიღისათვის. შესაძლებელია, ეს სპეციალური დანიშნულების ფინანსური ანგარიშგება შეიცვალოს 2018 წლის 31 დეკემბრის მდგომარეობით ეფექტურ ფასს-ებთან შესაბამისობის მიზნით სრული ფასს-ს შესაბამისი ფინანსური ანგარიშგების წარდგენისას.

ამასთანავე, გვსურს ყურადღება გავამახვილოთ შემდეგ გარემოებაზე რომ, მხოლოდ ფასს-ს შესაბამისად ნაწარმოები სრული ფინანსური ანგარიშგება, რომელიც შედგება ფინანსური მდგომარეობის, საკუთარი კაპიტალის ცვლილებებისა, ფულადი ნაკადების ანგარიშგებათაგან და შესადარისი ინფორმაციისაგან, ასევე, ფინანსურ ანგარიშგებაზე დართული ახსნა-განმარტებითი შენიშვნებისაგან, უზრუნველყოფს კომპანიის ფინანსური პოზიციის,

ოპერირების შედეგებისა და ფულადი ნაკადების ფასს-ების შესაბამისად სამართლიან წარდგენას, შედეგად წინამდებარე ფინანსური ანგარიშგება შეიძლება შეუსაბამო იყოს სხვა მიზნებისათვის.

ვადაგადაცილებული გრძელვადიანი სესხი არადაკავშირებული მხარისაგან - კომპანიას არადაკავშირებული მხარისაგან მიღებული აქვს გრძელვადიანი სესხი. კომპანიას არ განუხორციელებია სესხის თავდაპირველად შედგენილი გრაფიკით გადახდა, ამასთანავე აკუმულირებული აქვს გადაუხდეელი საპროცენტო დავალიანება. მხარეთა შორის არ არსებობს რაიმე შეთანხმება ვალის რესტრუქტურისაგან თავდაპირველი გრაფიკით გადახდის არაფორმალური გარიგება ყოველთვიური ფიქსირებული სახდელის შესახებ, რომელიც ვერ უზრუნველყოფს დავალიანების გასტუმრებას, ვინაიდან იგი უფრო მცირეა, ვიდრე პროცენტის ყოველთვიური დარიცხვა.

გამოყენების შეზღუდვა - წინამდებარე ანგარიში განკუთვნილია მხოლოდ კომპანიის მიერ ფინანსური ანგარიშგების ფასს-ებზე ტრანსფორმაციისთვის. ეს ანგარიში არ არის გამოყენებული სხვა მხარისათვის და არ უნდა იქნას გამოყენებული კომპანიის გარდა სხვა მხარის მიერ. ჩვენი მოსაზრება მოდიფიცირებული არ არის ამ საკითხთან მიმართებით.

სხვა ინფორმაცია

სხვა ინფორმაციაზე პასუხისმგებელია კომპანიის ხელმძღვანელობა. სხვა ინფორმაცია მოიცავს კომპანიის მიერ 2019 წლის 31 იანვრით დათარიღებულ მმართველობით ანგარიშგებას (საქმიანობის მიმოხილვას), რომელიც აკონტროლებს წინამდებარე აუდიტის დასვენასა და სპეციალური დანიშნულების ფინანსურ ანგარიშგებასთან ერთად (იხილეთ გვ. i - iii), მაგრამ არ მოიცავს ფინანსურ ანგარიშგებასა და ჩვენს მიერ მასზე გაცემულ აუდიტორის დასკვნას.

ჩვენი მოსაზრება ფინანსურ ანგარიშგებაზე არ მოიცავს ზემოთ აღნიშნულ სხვა ინფორმაციას, და გარდა ქვემოთ - „დასკვნა სხვა საკანონმდებლო და მარეგულირებელი მოთხოვნები“ - ნაწილში გაცემული დასკვნისა არანაირი ფორმის მარწმუნებელ დასკვნას არ წარმოადგენს მასზე.

გარდა ქვემოთ - „დასკვნა სხვა საკანონმდებლო და მარეგულირებელი მოთხოვნები“ - ნაწილში აღწერილი საკანონმდებლო მოთხოვნისა, ჩვენს მიერ ჩატარებულ ფინანსური ანგარიშგების აუდიტთან დაკავშირებით ჩვენი პასუხისმგებლობა იმაში მდგომარეობს, რომ გავცენოთ ზემოთაღნიშნულ სხვა ინფორმაციას და განვიხილოთ, სხვა ინფორმაცია არის თუ არა არსებითად შეუსაბამო ფინანსურ ანგარიშგებასთან, ან აუდიტის პროცესში ჩვენ მიერ მოპოვებულ ინფორმაციასთან, ან, სხვა მხრივ, ხომ არ ტოვებს ისეთ შთაბეჭდილებას, რომ არსებითად მცდარია.

თუ ჩვენ შესრულებულ სამუშაოზე დაყრდნობით დავასკვნით, რომ არსებითი უზუსტობა არსებობს ზემო აღნიშნულ სხვა ინფორმაციაში, გვუვალება ამ ფაქტის ინფორმირება. ამასთან დაკავშირებით, ჩვენ არ აღმოგვიჩენია ისეთი საკითხი, რომლის შესახებაც აუცილებელი იქნებოდა ინფორმირება.

ხელმძღვანელობისა და მეთვალყურეობაზე პასუხისმგებელ პირთა პასუხისმგებლობა ფინანსურ ანგარიშგებაზე

ხელმძღვანელობა პასუხისმგებელია ისეთი ფინანსური ანგარიშგების მომზადებაზე, რომელიც უტყუარად და სამართლიანად ასახავს კომპანიის ფინანსურ მდგომარეობას ფინანსური ანგარიშგების საერთაშორისო სტანდარტების შესაბამისად, ასევე, შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

ფინანსური ანგარიშგების მომზადებისას ხელმძღვანელობას ევალება, შეაფასოს კომპანიის ფუნქციონირებადობის უნარი და აუცილებლობის შემთხვევაში, ფინანსური ანგარიშგების შენიშვნებში განმარტოს საკითხები, რომლებიც დაკავშირებულია საწარმოს ფუნქციონირებადობასთან და ანგარიშგების საფუძვლად საწარმოს ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს კომპანიის ლიკვიდაცია ან საქმიანობის შეწყვეტა, ან თუ არ აქვს სხვა რეალური არჩევანი, ასე რომ არ მოიქცეს.

მეთვალყურეობაზე პასუხისმგებელი პირები პასუხისმგებლები არიან კომპანიის ფინანსური ანგარიშგების მომზადებისა და წარდგენის პროცესის ზედამხედველობაზე.

აუდიტორის პასუხისმგებლობა ფინანსური ანგარიშგების აუდიტზე

ჩვენი მიზანია, მოვიპოვოთ დასაბუთებული რწმუნება იმის თაობაზე, მოცემული ფინანსური ანგარიშგება შეიცავს თუ არა თაღლითობით ან შეცდომით გამოწვეულ არსებით უზუსტობას და შევადგინოთ აუდიტორის დასკვნა, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებაა, მაგრამ არ არის იმის გარანტია, რომ ასს-ების შესაბამისად ჩატარებული აუდიტი ყოველთვის გამოავლენს ნებისმიერ არსებით უზუსტობას, რომელიც არსებობს. უზუსტობები, შეიძლება, გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში, თუ გონივრულ ფარგლებში, მოსალოდნელია, რომ ისინი, ცალ-ცალკე ან ერთობლივად, გავლენას

მოახდენს იმ მომხმარებლების ეკონომიკურ გადაწყვეტილებებზე, რომლებიც დაეყრდნობიან მოცემულ ფინანსურ ანგარიშგებას.

ასს-ების შესაბამისად აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში. გარდა ამისა, ჩვენ:

- ვადგენთ და ვაფასებთ თაღლითობით ან შეცდომებით გამოწვეულ ფინანსურ ანგარიშგების არსებითი უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამიზნულ აუდიტორულ პროცედურებს და ვკრებთ ისეთ აუდიტორულ მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა, შეიძლება, გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარგანზრახულად არასწორი ინფორმაციის მიწოდებას ან შიდა კონტროლის უგულვებელყოფას.
- ჩვენ შევისწავლით აუდიტისთვის შესაფერის შიდა კონტროლის საშუალებებს, რათა დავეგმოთ კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ კომპანიის შიდა კონტროლის ეფექტიანობაზე.
- ვაფასებთ ხელმძღვანელობის მიერ გამოყენებული საადრიცხო პოლიტიკის მიზანშეწონილობას, ხელმძღვანელობის მიერ განსაზღვრული საადრიცხო შეფასებების დასაბუთებულობასა და შესაბამისი ახსნა-განმარტებების მართებულობას.
- დასკვნა გამოგვაქვს ხელმძღვანელობის მიერ ანგარიშგების საფუძვლად საწარმოს ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტორულ მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ეჭვს გამოიწვევდა კომპანიის ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება, ჩვენს აუდიტორის დასკვნაში ყურადღების გამახვილება ფინანსური ანგარიშგების შესაბამის შენიშვნებზე, ან თუ ამგვარი განმარტებითი შენიშვნები ადეკვატური არ არის - ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის დასკვნის თარიღამდე მოპოვებულ აუდიტორულ მტკიცებულებებს. თუმცა, ამის შემდგომი მომავალი მოვლენების ან პირობების გავლენით, შეიძლება, კომპანია უკვე აღარ იყოს ფუნქციონირებადი საწარმო.
- ვაფასებთ ფინანსური ანგარიშგების წარდგენას მთლიანობაში, მის სტრუქტურასა და შინაარსს, მათ შორის, ახსნა-განმარტებებს და ასევე, ფინანსური ანგარიშგება უზრუნველყოფს თუ არა ფინანსური ანგარიშგების საფუძვლად აღებული ოპერაციებისა და მოვლენების სამართლიან წარდგენას.

მეთვალყურეობაზე პასუხისმგებელ პირებს, სხვასთან ერთად, ინფორმაციას ვაწვდით აუდიტის დაგეგმილი მასშტაბისა და ვადების, ასევე, აუდიტის პროცესში წამოჭრილი მნიშვნელოვანი საკითხების, მათ შორის, შიდა კონტროლის სისტემაში გამოვლენილი მნიშვნელოვანი ნაკლოვანებების შესახებ.

ამასთან, მეთვალყურეობაზე პასუხისმგებელ პირებს გადავცემთ დოკუმენტს, სადაც ვადასტურებთ, რომ დავიცავით დამოუკიდებლობასთან დაკავშირებული შესაფერისი ეთიკური ნორმები და მეთვალყურეობაზე პასუხისმგებელ პირებს ვაცნობთ ყველა ურთიერთობისა და სხვა საკითხების შესახებ, რომლებიც, გონივრულ ფარგლებში, შეიძლება, მიჩნეულიყო, რომ დაკავშირებულია ჩვენს დამოუკიდებლობასთან, ასევე, შესაბამისი დამცავი ზომების შესახებ, აუცილებლობის შემთხვევაში.

დასკვნა სხვა საკანონმდებლო და მარეგულირებელ მოთხოვნებზე

ხელმძღვანელობა პასუხისმგებელია ჩვენთვის წარდგენილ თანდართულ (იხილეთ გვ. i - iii) მმართველობით ანგარიშგებაზე (საქმიანობის მიმოხილვა) საქართველოს კანონით „ბუღალტრული აღრიცხვისა, ანგარიშგებისა და აუდიტის შესახებ“ შესაბამისად (შემდგომში ტექსტში - კანონი). კანონის მე-7 მუხლის შესაბამისად, ჩვენი პასუხისმგებლობაა ჩატარებული პროცედურების საფუძველზე, გამოვთქვათ მოსაზრება საქმიანობის მიმოხილვის ანგარიშის ამ კანონის მე-7 მუხლთან შესაბამისობაზე.

ჩვენი აზრით მმართველობით ანგარიშგების (საქმიანობის მიმოხილვის) კანონით განსაზღვრული ნაწილები, კომპანიის საქმიანობის მოცულობისა და სირთულის გათვალისწინებით, შეესაბამება კანონის მე-7 მუხლის მოთხოვნებს, ყველა არსებითი ასპექტის გათვალისწინებით.

მოცემული აუდიტის, რომლის შედეგადაც შედგენილია წინამდებარე დამოუკიდებელი აუდიტორის დასკვნა, გარიგების პარტნიორია ბ-ნი ბესიკ ბისეიშვილი.

ბესიკ ბისეიშვილი (აუდიტორის სარეგისტრაციო ნომერი SARAS-A-988241)

პარტნიორი


შპს ბეიკერ ტილი ჯორჯია

31 იანვარი, 2019 წელი

თბილისი, საქართველო

ჩვენი აზრით მმართველობით ანგარიშგების (საქმიანობის მიმოხილვის) კანონით განსაზღვრული ნაწილები, კომპანიის საქმიანობის მოცულობისა და სირთულის გათვალისწინებით, შეესაბამება კანონის მე-7 მუხლის მოთხოვნებს, ყველა არსებითი ასპექტის გათვალისწინებით.

მოცემული აუდიტის, რომლის შედეგადაც შედგენილია წინამდებარე დამოუკიდებელი აუდიტორის დასკვნა, გარიგების პარტნიორია ბ-ნი ბესიკ ბისეიშვილი.



ბესიკ ბისეიშვილი (აუდიტორის სარეგისტრაციო ნომერი SARAS-A-988241)

პარტნიორი

შპს ბეიკერ ტილი ჯორჯია

31 იანვარი, 2019 წელი

თბილისი, საქართველო



ფინანსური მდგომარეობის სპეციალური დანიშნულების ანგარიშგება

	31-დეკ-2017	1-იან-2017
აქტივები		
<i>გრძელვადიანი აქტივები</i>		
ძირითადი საშუალებები (შენიშვნა 4)	15,214	16,048
ბიოლოგიური აქტივები (შენიშვნა 5)	1,683	1,371
არამატერიალური აქტივები (შენიშვნა 6)	26	30
სულ გრძელვადიანი აქტივები	16,923	17,449
<i>მოკლევადიანი აქტივები</i>		
მარაგები (შენიშვნა 7)	2,097	1,370
სავაჭრო და სხვა დებიტორული დავალიანება (შენიშვნა 8)	1,897	1,617
ფულადი სახსრები და მათი ექვივალენტები (შენიშვნა 9)	996	609
სულ მოკლევადიანი აქტივები	4,990	3,595
სულ აქტივები	21,913	21,044
ვალდებულებები და საკუთარი კაპიტალი		
<i>საკუთარი კაპიტალი</i>		
საკუთარი კაპიტალი	16,383	16,383
გაუნაწილებელი მოგება	90	(2,039)
სულ საკუთარი კაპიტალი	16,473	14,344
<i>გრძელვადიანი ვალდებულებები</i>		
გრძელვადიანი სესხები (შენიშვნა 10)	2,036	3,379
სულ გრძელვადიანი ვალდებულებები	2,036	3,379
<i>მოკლევადიანი ვალდებულებები</i>		
გრძელვადიანი სესხების მიმდინარე ნაწილი (შენიშვნა 10)	2,071	1,887
სავაჭრო და სხვა კრედიტორული დავალიანება (შენიშვნა 11)	1,333	1,434
სულ მოკლევადიანი ვალდებულებები	3,404	3,322
სულ ვალდებულებები და საკუთარი კაპიტალი	21,913	21,044

ფინანსური ანგარიშგება წარსადგენად დამტკიცებულია 2019 წლის 31 დეკემბერს და ხელმოწერილია:

ბ.-ნი გ. ლომიძე, დირექტორი

ბ.-ნი დ. ცხედიანი, ფინანსური დირექტორი



სრული შემოსავლის სპეციალური დანიშნულების ანგარიშგება

	31-დეკ-2017 დასრულებული წლისათვის
ამონაგები (შენიშვნა 12)	19,160
საფრინველეს მოვლა-შენახვის ხარჯები	(7,343)
შრომის ანაზღაურება	(2,496)
ცვეთა და ამორტიზაცია	(2,313)
სავაჭრო მარაგების ღირებულების კორექტირება	(2,184)
ოფისის ხარჯი	(626)
მარკეტინგი	(583)
საწვავი	(405)
სხვა ხარჯი	(355)
გადასახადები	(296)
დაცვის მომსახურება	(119)
ტრანსპორტირება	(85)
დაზღვევა	(29)
წმინდა ფინანსური ხარჯი (შენიშვნა 13)	(197)
საანგარიშგებო პერიოდის მოგება	2,129
საანგარიშგებო პერიოდის სრული მოგება	2,129

ფინანსური ანგარიშგება წარსადგენად დამტკიცებულია 2019 წლის 31 დეკემბერს და ხელმოწერილია:

 ბ.-ნი გ. ლომიძე, დირექტორი

 ბ.-ნი დ. ცხევიძე, ფინანსური დირექტორი



ფულადი სახსრების მოძრაობის სპეციალური დანიშნულების ანგარიშგება

31-დეკ-2017
დასრულებული
წლისათვის

ფულადი სახსრების მოძრაობა საოპერაციო საქმიანობიდან	
მომხმარებლებიდან მიღებული ფულადი სახსრები	21,192
მომწოდებლებსა და მომუშავეებზე პირებზე გადახდილი ფული	(16,856)
საოპერაციო საქმიანობიდან ფულადი სახსრების შემოსვლა	4,336
გადახდილი გადასახადები	(1,974)
გადახდილი პროცენტი	(321)
საოპერაციო საქმიანობით მიღებული ფული	2,041
ფულადი სახსრების ნაკადი საინვესტიციო საქმიანობიდან	
ძირითადი საშუალებების რეალიზაცია	62
ძირითადი საშუალებების შეძენა	(671)
სესხის სახით მიღებული თანხები	(1,081)
საინვესტიციო საქმიანობისათვის გახარჯული ფული	(1,690)
ფულადი ნაკადები საფინანსო საქმიანობიდან	
სესხების გადახდა	-
რესტრუქტურირებული ვალის დაფარვა	-
საფინანსო საქმიანობისათვის გახარჯული ფული	-
ფულადი სახსრების და მათი ექვივალენტების ნეტო შემცირება	351
ფულადი სახსრები და მათი ექვივალენტები წლის დასაწყისში	609
უცხოური ვალუტის კურსის ცვლილების გავლენა	36
ფულადი სახსრები და მათი ექვივალენტები წლის ბოლოს	996

ფინანსური ანგარიშგება წარსადგენად დამტკიცებულია 2019 წლის 31 დეკემბერს და ხელმოწერილია:

ბ.-ნი გ. ლომიძე, დირექტორი

ბ.-ნი დ. ცხელიძე, ფინანსური დირექტორი



კაპიტალში ცვლილებების სპეციალური დანიშნულების ანგარიშგება

	სააქციო კაპიტალი	გაუნაწილებელი მოგება	სულ
ნაშთი 2017 წლის 1 იანვარს	16,383	(2,039)	14,344
2017 წლის სრული შემოსავალი	-	2,129	2,129
ნაშთი 2017 წლის 31 დეკემბერს	16,383	90	16,473

ფინანსური ანგარიშგება წარსადგენად დამტკიცებულია 2019 წლის 31 დეკემბერს და ხელმოწერილია:

 ბ.-ნი გ. ლომიძე, დირექტორი

 ბ.-ნი დ. ცხედიასი, ფინანსური დირექტორი



სპეციალური დანიშნულების ფინანსური ანგარიშგების ახსნა-განმარტებითი შენიშვნები

შენიშვნა 1. კომპანია და მისი საქმიანობა

შპს დილის პროდუქტები (შემდეგში, „კომპანია“), შეზღუდული პასუხისმგებლობის კომპანიაა, როგორც ეს განსაზღვრულია საქართველოს სამოქალაქო კოდექსით, რომელიც დაარსდა 2006 წელს.

კომპანიის იურიდიული მისამართია: საქართველო, თბილისი, ისანი-სამგორის რაიონი, სოფ. დიდი ლილო.

კომპანიის ძირითადი საქმიანობაა კვერხვების წარმოება.

კომპანიის დამფუძნებლები არარეზიდენტი იურიდიული პირებია შპს პოულტრი ინვესტმენტ გრუპ (სეიშელის კუნძულები) 52,5 პროცენტით და შპს გრანდის თრედიინგი (დიდი ბრიტანეთისა და ჩრდილოეთ ირლანდიის გაერთიანებული სამეფო) 47,5 პროცენტით. შპს დილის პროდუქტების მშობელი კომპანიაა შპს პოულტრი ინვესტმენტ გრუპ, რომელიც კერძო პირთა ჯგუფის ერთობლივ საკუთრებაშია.

შენიშვნა 2. კომპანიის საოპერაციო საქმიანობა

კომპანია ძირითად სამეურნეო საქმიანობას წარმართავს საქართველოში. საქართველოს ჯერ კიდევ გააჩნია განვითარებადი ბაზრის გარკვეული მახასიათებლები. საგადასახადო, სავალუტო და საბაჟო კანონმდებლობა სხვადასხვა ინტერპრეტაციის საშუალებას იძლევა, რაც ართულებს საქართველოში ფუნქციონირებადი კომპანიების წინაშე მდგომ გამოწვევებს.

კომპანიის ხელმძღვანელობას არ შეუძლია წინასწარ განჭვრიტოს ყველა ის მოვლენა, რამაც შესაძლოა ზეგავლენა მოახდინოს საქართველოს ეკონომიკაზე და განსაზღვროს, თუ საბოლოოდ რა ზეგავლენას მოახდენს ეს - ან საერთოდ მოახდენს თუ არა რაიმე ზეგავლენას - კომპანიის მომავალ ფინანსურ მდგომარეობაზე.

საქართველოს სამომავლო ეკონომიკური მიმართულება მნიშვნელოვანწილად არის დამოკიდებული სახელმწიფოს მიერ განხორციელებული ეკონომიკური, ფინანსური და მონეტარული ღონისძიებების ეფექტურობაზე, აგრეთვე საგადასახადო, სამართლებრივი, მარეგულირებელი და პოლიტიკური მოვლენების განვითარებაზე.

კომპანიის ხელმძღვანელობას მიაჩნია, რომ იგი ყველა საჭირო ღონისძიებას ატარებს კომპანიის მდგრადობისა და განვითარების ხელშეწყობის მიზნით.

შენიშვნა 3. მნიშვნელოვანი სააღრიცხვო პოლიტიკის მოკლე მიმოხილვა

სპეციალური დანიშნულების ფინანსური ანგარიშგების მომზადებისას გამოყენებული სააღრიცხვო პოლიტიკის ძირითადი პრინციპები მოცემულია ქვემოთ.

3.1. მომზადების საფუძველი

კომპანია თავისი პირველი ფასის-ის მიხედვით ფინანსური ანგარიშგების მომზადების პროცესშია. კომპანიის მენეჯმენტს სჯერა, რომ 2018 წლის 31 დეკემბრისთვის ისინი დაამთავრებენ ფინანსური ანგარიშგების მომზადებას. ამ მიზეზით, კომპანიის მენეჯმენტმა გადაწყვიტა მოემზადებინათ წინასწარი ანგარიშგებები სპეციალური დანიშნულებით, რომლებიც მოიცავს ბალანსს 2017 წლის 1 იანვრიდან, 31 დეკემბრის ჩათვლით, სრული შემოსავლების, ფულადი ნაკადების და კაპიტალში ცვლილების წინასწარი ანგარიშგებებს 2017 წლის 31 დეკემბრის ჩათვლით, ასევე, მოიცავს შეჯამებას მნიშვნელოვანი საბუღალტრო პოლიტიკისა და სხვა ახსნა-განმარტებითი შენიშვნებს.

ფინანსური ანგარიშგების საერთაშორისო სტანდარტები („ფას“) ეყრდნობა წინასწარ მომზადებულ ანგარიშგებებს. ამის გამო, საწყისი ბალანსი 2017 წლის პირველი იანვრისათვის (ფასს-ზე გადასვლის თარიღი) მომზადებულია „ფას“ 1 სტანდარტის მიხედვით „ფინანსური ანგარიშგების საერთაშორისო სტანდარტების პირველადი გამოყენება“. ეს სტანდარტი ითხოვს რომ საწყისი ბალანსი „ფას“ სტანდარტებზე გადასვლის შემდეგ იყოს მომზადებული ისეთი საბუღალტრო პოლიტიკის მიხედვით, რომელიც ეთანხმება კომპანიის ანგარიშგებების მომზადების დასრულებამდე მოქმედ თითოეულ საერთაშორისო სტანდარტს. პირველი სრული ნაკრები კომპანიის ფინანსური ანგარიშგებები საერთაშორისო სტანდარტების მიხედვით, რომელიც მოიცავს ბალანსს, მოგება ზარალის, ფულადი ნაკადების და კაპიტალში ცვლილების ანგარიშგებებს, წინა წელთან შედარების საფუძველზე, იქნება მომზადებული 2018 წლის 31 დეკემბრისათვის.

წინასწარი ფინანსური ანგარიშგება მომზადებულია ყველა საერთაშორისო სტანდარტის მოთხოვნით, „ბუღალტრული აღრიცხვის საერთაშორისო სტანდარტები“ („ბას“) და „ფინანსური ანგარიშგების საერთაშორისო



ინტერპეტაციების კომიტეტის“ („ფასიკ“) მოთხოვნის საფუძველზე, რომელიც იყო გამოყენებული ამ წინასწარი ანგარიშგებების მომზადებისას. შესაძლებელია, რომ კომპანიას დაჭირდეს საანგარიშგებო პერიოდის ბოლოს მიღებული ჯამური თანხების შესწორება წინასწარ ფინანსურ ანგარიშგებაში, რომ დაკმაყოფილდეს მოთხოვნები 2018 წლის 31 დეკემბრამდე ძალაში მყოფ „ფასს“ სტანდარტებს, მაგალითად, პირველი სრული ფინანსური ანგარიშგების მომზადების თარიღამდე, გათვალისწინებული უნდა იყოს, „ფასს“ სტანდარტები და „ფასიკ“ ინტერპეტაციები რომლებიც იქნება ძალაში 2018 წლის 31 დეკემბრისათვის, მათ შორის ისინიც რომლებიც კომპანიის სურვილის შესაბამისად შეიძლება იქნას გამოყენებული და წინასწარი ფინანსური ანგარიშგების მომზადების პერიოდში არ არის ცნობილი საჭირო გახდება თუ არა.

სპეციალური დანიშნულების ფინანსური ანგარიშგებები მომზადებულია ისტორიული ღირებულების საფუძველზე.

ფასს-ების შესაბამისად ფინანსური ანგარიშგებების მომზადება მოითხოვს გარკვეული საღრიცხვო შეფასებების გამოყენებას. ასევე მოითხოვს კომპანიის საღრიცხვო პოლიტიკის პროცესში წამოჭრილი გადაწყვეტილებების განხორციელების მართვას. საკითხები, რომლებიც შეიცავს გარკვეულ სირთულეებს ან საკითხები სადაც დაშვებები და შეფასებები მნიშვნელოვანია ფინანსური ანგარიშგებისთვის განმარტებული შენიშვნა 3.20-ში.

3.2. უცხოური ვალუტა

(ა) ფუნქციური და წარსადგენი ვალუტა

ფინანსური ანგარიშგების შემავალი ანგარიშები განსაზღვრულია ეკონომიკური გარემოზე, სადაც კომპანია ოპერირებს (ფუნქციური ვალუტა, რომელიც არის ქართული ლარი). ფინანსური ანგარიშგება წარმოდგენილია ქართულ ლარში, რომელიც არის კომპანიის ფუნქციური და წარსადგენი ვალუტა.

ოფიციალური გაცვლითი კურსი, რომელიც არის განსაზღვრული ეროვნული ბანკის მიერ, ქართულ ლარსა და აშშ დოლარს, და ქართულ ლარსა და ევროს შორის, იხილეთ ქვემოთ:

	აშშ დოლარი	ევრო
01 იანვარი 2017	2.6468	2.7940
31 დეკემბერი 2017	2.5922	3.1044

(ბ) ტრანზაქციები და ნაშთები

ოპერაციები უცხოურ ვალუტაში გადაყვანილია შესაბამის ფუნქციონალურ ვალუტაში ოპერაციების თარიღის შესაბამისი კურსით.

უცხოურ ვალუტაში დენომინირებული ფულადი აქტივებისა და ვალდებულებების კონვერტირება ხდება ანგარიშსწორების წარდგენის თარიღისთვის არსებული გაცვლითი კურსით, ქართულ ლარში. უცხოური ვალუტით მიღებული მოგება ან ზარალი ფულად მუხლებზე, წარმოადგენს, პერიოდის დასაწყისში არსებული, ეფექტური საპროცენტო განაკვეთითა და პერიოდის განმავლობაში განხორციელებული გადახდებით დაკორექტირებული მოქმედი ვალუტის ამორტიზირებული ღირებულებისა და პერიოდის ბოლოს არსებული, შესაბამისი გაცვლითი კურსით დაკორექტირებული, უცხოურ ვალუტაში გამოსახული ამორტიზირებული ღირებულების სხვაობას. არაფულადი აქტივები, რომლის ისტორიული ღირებულება უცხოურ ვალუტაშია, გადმოიყვანება მოქმედ ვალუტაში ოპერაციის მოხდენის თარიღის შესაბამისი კურსით.

უცხოური ვალუტის კონვერტაციით წარმოშობილი სხვაობა აღიარდება მოგება ან ზარალში.

3.3. ძირითადი საშუალებები

ძირითადი საშუალებები შეფასებულია, როგორც თვითღირებულებას გამოკლებული დაგროვილი ცვეთა და გაუფასურების ზარალი.

თვითღირებულება მოიცავს დანახარჯებს, რომელიც პირდაპირ კავშირშია აქტივის შეძენასთან. თვითწარმოებული აქტივების ღირებულება შეიცავს პირდაპირი შრომისა და გამოყენებული მასალების ღირებულებას, ასევე აქტივის გამოყენებისათვის გამიზნულ სამუშაო მდგომარეობაში მოყვანასთან დაკავშირებულ ნებისმიერი სახის დანახარჯს, ნივთების დემონტაჟისა და თავიანთი ადგილმდებარეობიდან ამოღების ღირებულებას. შეძენილი სისტემური უზრუნველყოფა, რომელიც კომპიუტერული აღჭურვილობის ფუნქციონირების განუყოფელ შემადგენელ ნაწილს წარმოადგენს, კაპიტალიზირებული არის ამ აღჭურვილობის ნაწილად.

როდესაც ძირითადი საშუალებების ცალკეული ერთეულების სასარგებლო მომსახურების ვადა ერთმანეთისაგან განსხვავდება, ისინი აღირიცხებიან ძირითადი საშუალებების ცალ-ცალკე ერთეულებად (ძირითად კომპონენტებად).



ძირითადი საშუალებების ერთეულის რეალიზაციიდან მიღებული სარგებელი ან დანაკარგი განისაზღვრება, როგორც ძირითადი საშუალების წმინდა საბალანსო ღირებულებასა და გაყიდვიდან ამონაგებს შორის სხვაობა, და, შესაბამისად, აისახება მოგება ან ზარალში სხვა შემოსავლების/ სხვა ხარჯების ნაწილში.

ძირითადი საშუალებების ერთეულის ჩანაცვლების ღირებულება აისახება საბალანსო ღირებულებით, თუ იგი უზრუნველყოფს მოსალოდნელი მომავალი ეკონომიკური სარგებლოს შემოსვლას კომპანიაში და შესაძლებელია მისი ღირებულების საიმედოდ შეფასება. ჩანაცვლებული ნაწილის საბალანსო ღირებულება ჩამოიწერება. ძირითადი საშუალებების მოვლა-შენახვის ყოველდღიური ხარჯები გაწევისთანავე აისახება მოგება ან ზარალში.

ძირითადი საშუალებების ცვეთის დარიცხვის დაანგარიშება ხდება მათი დამონტაჟებისა და გამოყენების მზაობის დღიდან, რაც შეეხება კომპანიის მიერ აშენებულ აქტივებს, მათი ცვეთის დაანგარიშება ხდება აქტივების საბოლოო მდგომარეობამდე მიყვანის და მათი გამოყენების მზაობის დღიდან. ცვეთა იანგარიშება აქტივის ღირებულებას გამოკლებული აქტივის ნარჩენი ღირებულება.

ცვეთა აისახება მოგება ან ზარალში, წრფივი მეთოდის გამოყენებით, ძირითადი საშუალებებისათვის განსაზღვრული სასარგებლო მომსახურების ვადის განმავლობაში, ვინაიდან ეს საუკეთესოდ წარმოაჩენს აქტივში განივებული მომავალი ეკონომიკური სარგებელი მოხმარებას. მიწას ცვეთა არ ერიცხება.

ძირითადი საშუალებების მნიშვნელოვანი ნაწილის მიმდინარე და შესადარისი პერიოდების სავარაუდო სასარგებლო მომსახურების ვადები შემდეგი:

კატეგორია	სასარგებლო მომსახურების ვადა (წელი)
შენობა-ნაგებობები	15, 20, 50
მანქანა-დანადგარები	2, 5, 10, 15
სატრანსპორტო საშუალებები	5
სხვა - დაუმთავრებელი მშენებლობა, დაუდგმელი მოწყობილობები	-

ყოველი ფინანსური წლის ბოლოს ხორციელდება ცვეთის გაანგარიშების მეთოდების, სასარგებლო მომსახურების ვადის და ნარჩენი ღირებულების გადახედვა და საჭიროების შემთხვევაში, მათი კორექტირება.

3.4. ბიოლოგიური აქტივები

კომპანიის ბიოლოგიური აქტივები სრულად შედგება კვერცხმდებელი ქათმებისაგან. კომპანია, როგორც წესი, ანხორციელებს წიწილების იმპორტს საზღვარგარეთიდან. წიწილები ზრდასრულ ასაკს აღწევენ 19-20 კვირაში. ზრდასრული კვერცხმდებელი ქათმებზე საზოგადოდ არ ხორციელდება ყიდვა-გაყიდვის ოპერაციები და შესაბამისად, კომპანიას არ გააჩნია ინფორმაცია, ასაკობრივი ჯგუფების მიხედვით, ქათმების სამართლიანი ღირებულების შესახებ. ამრიგად, ხელმძღვანელობას მიაჩნია, რომ საიმედოობისა და შესაბამისობის პრინციპების გათვალისწინებით, მიზანშეწონილია კომპანიის ბიოლოგიური აქტივების ალტერნატიული მეთოდით - ისტორიული ღირებულება შემცირებული აკუმულირებული ცვეთით - წარდგენა.

კვერცხმდებელი ქათმის სასარგებლო მომსახურების ვადა შეადგენს 80-90 კვირას. წიწილის მიერ ზრდასრულობის მიღწევისას (კვერცხისდების დაწყებისას), იწყება ცვეთის დაანგარიშება, წრფივი მეთოდით.

3.5. მარაგები

მარაგები ფასდება თვითღირებულებასა და წმინდა სარეალიზაციო ღირებულებას შორის უმცირესით. მარაგების თვითღირებულების შეფასება ხდება საშუალო შეწონილი ღირებულების საფუძველზე და მოიცავს სასაქონლო-მატერიალური ფასეულობების შეძენის დროს და მათ ამჟამინდელ ადგილას და მათ მდგომარეობაში მოსაყვანად გაწეულ დანახარჯებს.

წმინდა სარეალიზაციო ღირებულება არის ბიზნესის ჩვეულებრივად ფუნქციონირების პირობებში მარაგების მოსალოდნელ სარეალიზაციო ღირებულებას გამოკლებული მათი დასრულებისა და გაყიდვის ხარჯები.

3.6. სავაჭრო და სხვა მოთხოვნები

სავაჭრო მოთხოვნები არის თანხები რომლებიც მისაღებაა მომხმარებლისგან მომსახურებისა თუ საქონლის მიწოდების სანაცვლოდ ჩვეულებრივ ბიზნესის კურსის ფარგლებში. თუ მისაღები თანხების შეგროვება მოსალოდნელია ერთ წელში ან ნაკლებში, ისინი კლასიფიცირდება როგორც მიმდინარე აქტივები. თუ არა, წარმოდგენილი იქნება როგორც გრძელვადიანი აქტივები. ამჟამად, ყველა კომპანიის მოთხოვნები კლასიფიცირდება როგორც მიმდინარე აქტივებად რადგან მათი მიღება მოსალოდნელია ერთი წლის ფარგლებში.

სავაჭრო და სხვა მოთხოვნები აისახება ამორტიზებული ღირებულებით ეფექტური საპროცენტო მეთოდის გამოყენებით.



3.7. ფულადი სახსრები და მათი ექვივალენტები

ფულად სახსრებსა და ფულადი სახსრების ექვივალენტებში იგულისხმება ნაღდი ფული, ბანკში განთავსებული დეპოზიტები მოთხოვნამდე და სხვა მოკლევადიანი მაღალ-ლიკვიდური ინვესტიციები, რომელთა თავდაპირველი დაფარვის ვადა სამი თვე, ან უფრო ნაკლებია. ფულადი სახსრები და ფულადი სახსრების ექვივალენტები აისახება ამორტიზებული ღირებულებით ეფექტური საპროცენტო მეთოდის გამოყენებით. შეზღუდული ნაშთები გამოირიცხება ფულადი სახსრებისა და მათი ექვივალენტებისაგან ფულადი სახსრების ნაკადების ანგარიშგების მიზნებისათვის. ის ნაშთები, რომელთა შეზღუდვაც ხდება, რათა არ მოხდეს მათი გაცვლა, ან ვალდებულების დასაფარავად გამოყენება, საანგარიშგებო პერიოდის შემდეგ სულ მცირე თორმეტი თვის განმავლობაში აისახება სხვა გრძელვადიან აქტივებში.

3.8. დამატებული ღირებულების გადასახადი

გაყიდვებთან დაკავშირებული ჩასათვლელი დამატებული ღირებულების გადასახადი გადაეხდება საგადასახადო ორგანოებს უფრო ადრე, ვიდრე ადგილი ექნება შემდეგ მოლენებს (ა) მომხმარებლებიდან დებიტორული დავალიანების ამოღება, ან (ბ) პროდუქციის, ან მომსახურების მიწოდება მომხმარებლებისათვის. დასაბრუნებელი დღე ზოგადად ამოღებადია ჩასათვლელი დღე-ს მიმართ, დღე-ს ანგარიშგაქტურის მიღების შემდეგ. საგადასახადო ორგანოები დღე-ს ნეტო საფუძველზე დაფარვის ნებას იძლევიან. რეალიზაციასთან და შესყიდვებთან დაკავშირებული დღე-ს აღიარება ხდება ფინანსური მდგომარეობის ანგარიშგებაში ნეტო საფუძველზე. როდესაც შექმნილია დებიტორული დავალიანების გაუფასურების ანარიცხი, გაუფასურების ზარალი აღირიცხება დებიტორის მიერ გადასახდელი მთლიანი თანხით, დღე-ს ჩათვლით.

3.9. სესხები

სესხების აღიარება თავდაპირველად ხდება სამართლიანი ღირებულებით, გარიგების ხარჯების გამოკლებით. შემდგომში აღიარდება ამორტიზებული ღირებულებით; ნებისმიერი განსხვავება მიღებულ სესხსა (გარიგების ხარჯების გამოკლებით) და გამოსასყიდ ღირებულებას შორის აღიარდება მოგება ზარალის ანგარიშგებაში შესაბამის პერიოდში ეფექტური საპროცენტო განაკვეთის მეთოდის გამოყენებით.

3.10. სავაჭრო და სხვა ვალდებულებები

სავაჭრო ვალდებულებები არის გადასახდელი თანხები მომწოდებლების მიერ მოწოდებული საქონლისა თუ მომსახურებისათვის. სავაჭრო ვალდებულება კლასიფიცირდება მიმდინარე დავალიანებად, თუ გადახდა მოხდება ერთ წელში ან ნაკლებ დროში. თუ არა, მაშინ წარმოდგინდება როგორც გრძელვადიანი დავალიანება. ამჟამად, ყველა კომპანიის სავაჭრო დავალიანება მოსალოდნელია რომ გადახდის იქნება ერთი წლის ფარგლებში ბალანსის დღიდან და კლასიფიცირდება როგორც მიმდინარე ვალდებულება.

სავაჭრო დავალიანება თავდაპირველად აღიარებულია სამართლიანი ღირებულებით და შემდგომ ამორტიზირებული ღირებულებით ეფექტური საპროცენტო განაკვეთის გამოყენებით.

სავაჭრო ვალდებულებები აღიარებულია დამატებითი ღირებულების გადასახადის ჩათვლით.

3.11. შემოსავლის აღიარება

შემოსავალი მოიცავს სავაჭრო მარაგების გაყიდვით სამართლიანი ღირებულებით ასახულ მიღებული ან მისაღებ ნეტო თანხებს დამატებული ღირებულების გადასახადის, უკან დაბრუნებების და ფასდათმობების გარეშე.

კომპანია შემოსავალს აღიარებს მაშინ როდესაც თანხები შეიძლება საიმედოდ შეფასდეს, როცა სავარაუდოა რომ მომავალი ეკონომიკური სარგებელი შემოვა კომპანიაში.

3.12. თანამშრომლების გასამრჯელოები

გადასახდელი ხელფასები, წლიური შვებულება და ავადმყოფობის გამო შვებულებით სარგებლობა, პრემიები, და სხვა სარგებელი (საკვები, ბინით უზრუნველყოფა, ტრანსპორტირება, და სხვ.) დაირიცხება იმ პერიოდის განმავლობაში, როდესაც მათთან დაკავშირებული მომსახურების მიწოდებას განახორციელებენ კომპანიის დაქირავებული მომუშავეები. კომპანიას არ გააჩნია იურიდიული, ან კონსტრუქციული ვალდებულება განახორციელოს საპენსიო, ან ანალოგიური სარგებლის გადახდა.

3.13. ურთიერთგადაფარვა

ფინანსური აქტივები და ვალდებულებების ურთიერთგადაფარვა და ნეტო თანხა აისახება ფინანსური მდგომარეობის ანგარიშგებაში მარტოოდენ მაშინ, როდესაც არსებობს კანონმდებლობით გათვალისწინებული უფლება, რომელიც ითვალისწინებს აღიარებული თანხების ურთიერთგადაფარვას და არსებობს განზრახვა, რომ ურთიერთგადაფარვა მოხდეს ნეტო სიდიდით, ან მოხდეს აქტივების რეალიზაცია და ვალდებულების დაფარვა ერთდროულად.



3.14. მოგების გადასახადი

2016 წლის მაისის თვეში საქართველოს პარლამენტმა შეცვალა ქვეყნის საგადასახადო კოდექსი: ცვლილებები ძალაში შევიდა 2017 წლის 1 იანვრიდან. გადასახადის გადამხდელების უმრავლესობას, მათ შორის კომპანიასაც, არ მოუწევს მოგების გადასახადის გადახდა წლიურ მოგებაზე. მხოლოდ დივიდენდების განაწილება და სპეციფიკური ტრანზაქციები ექვემდებარება დასაბეგრ ბაზაში მოხვედრას. შესაბამისად, გადავადებული საგადასახადო აქტივებს და ვალდებულებებს 2016 წლის 31 დეკემბრის მდგომარეობით კომპანიამ ანულირება გაუკეთა მისი ყველა გადავადებული მოგების გადასახადის აქტივსა და ვალდებულებას

3.15. ფინანსური ინსტრუმენტები – შეფასების ძირითადი პირობები

ფინანსური ინსტრუმენტები აისახება რეალური ღირებულებით ან ამორტიზირებული ღირებულებით, მათი კლასიფიკაციის მიხედვით, როგორც ქვემოთ არის აღწერილი.

რეალური ღირებულება გახლავთ თანხა, რომლითაც შეიძლება აქტივი გაიყვას ან ვალდებულება დაიფაროს საქმის მცოდნე და გარიგების მსურველ მხარეებს შორის “გაშლილი ხელის მანძილის პრინციპით”. რეალური ღირებულება არის მიმდინარე შეთავაზებული ფასი ფინანსური აქტივებისათვის და მოთხოვნილი ფასი ფინანსური ვალდებულებებისათვის, რომლებიც კვოტირებულია აქტიურ ბაზარზე. ურთიერთგადამფარავი საბაზრო რისკების მქონე აქტივებისა და ვალდებულებებისთვის კომპანიამ შეიძლება საშუალო საბაზრო ფასები გამოიყენოს ურთიერთგადამფარავი რისკის პოზიციების რეალური ღირებულების დადგენისათვის და შეთავაზებული ფასი ან მოთხოვნილი ფასი გამოიყენოს ღია პოზიციების შესაფერისად დაბალანსებისათვის. ფინანსური ინსტრუმენტი აქტიურ ბაზარზე კოტირებულად განიხილება, თუ კოტირებული ფასები იოლად და რეგულარულად მიღებადია ბირჟიდან ან სხვა დაწესებულებიდან და აღნიშნული ფასები ასახავს აქტიურ და რეგულარულ საბაზრო გარიგებებს საფონდო ბირჟაზე “გაშლილი ხელის მანძილის” პრინციპით.

შეფასების მეთოდები, როგორიცაა დისკონტირებული ფულადი სახსრების ნაკადის მოდელი ან მოდელები გაშლილი ხელის მანძილის პრინციპით დადებული ბოლოდროინდელი გარიგებების, ან ინვესტიციის მიმღების ფინანსური მონაცემების გათვალისწინების საფუძველზე, გამოიყენება იმ გარკვეული ფინანსური ინსტრუმენტების რეალური ღირებულების შეფასებისათვის, რომელთათვისაც გარე საბაზრო ინფორმაცია არ არის ხელმისაწვდომი. შეფასების მეთოდებით შეიძლება მოითხოვებოდეს ისეთი დაშვებების გაკეთება, რომლებიც არ არის გამყარებული დაკვირვებადი საბაზრო მონაცემებით. წინამდებარე ფინანსურ ანგარიშგებაში მოცემულია ახსნა-განმარტებითი შენიშვნები თუ მსგავსი დაშვებების გონივრულად შესაძლებელი ალტერნატივით შეცვლის შედეგად მიიღება მნიშვნელოვნად განსხვავებული მოგება, შემოსავალი, მთლიანი აქტივები ან მთლიანი ვალდებულებები.

გარიგების დანახარჯები არის ნამეტი დანახარჯები, რომლებიც წარმოადგენს ფინანსური აქტივის ან ფინანსური ვალდებულების შესყიდვის, ემისიის ან რეალიზაციის პირდაპირ დანახარჯებს. ნამეტი დანახარჯები არის დანახარჯები, რომლებიც არ წარმოიშობოდა, თუ არ განხორციელდებოდა გარიგება. გარიგების დანახარჯები მოიცავს აგენტების (გაყიდვის აგენტებად მოქმედ დაქირავებულ მომუშავეთა ჩათვლით), მრჩეველების, ბროკერებისა და დილერების ხელფასებსა და საკომისიოებს, მარეგულირებელი სააგენტოებიდან და საფონდო ბირჟებიდან მოსაკრებლებსა და სატრანსფერო ბაჟსა თუ სავალდებულო მოსაკრებელს. გარიგების დანახარჯები არ მოიცავს პრემიებსა და ფასდათმობებს, ფინანსურ დანახარჯებსა და შიდა ადმინისტრაციულ თუ მფლობელთა დანახარჯებს.

ამორტიზებული ღირებულება არის თანხა, რომლითაც ფინანსური ინსტრუმენტი აღიარდა თავდაპირველი აღიარებისას, შემცირებული ძირითადი თანხის გადახდით, მიმატებული დარიცხული პროცენტის თანხა და ფინანსური ინსტრუმენტებისათვის, შემცირებული მიღებული გაუფასურების ზარალის ჩამოწერით. დარიცხული პროცენტის თანხა მოიცავს თავდაპირველი აღიარებისას გადავადებული გარიგების დანახარჯების ამორტიზაციას და პრემიას ან ეფექტური საპროცენტო განაკვეთის მეთოდით დაფარვის ვადამდე ფლობილი ფინანსური ინსტრუმენტის დისკონტირებული ღირებულება. დარიცხული საპროცენტო შემოსავალი და დარიცხული საპროცენტო ხარჯები, როგორც დარიცხული კუპონის, ისე ამორტიზირებული დისკონტის ან პრემიის ჩათვლით (წარმოშობისას გადავადებული საზღაურის ჩათვლით, თუ ასეთი არსებობს), ცალ-ცალკე კი არ აისახება, არამედ აისახება კონსოლიდირებულ ფინანსური მდგომარეობის ანგარიშგებაში დაკავშირებული მუხლების საბალანსო ღირებულებაში.

ეფექტური საპროცენტო განაკვეთის მეთოდი არის ფინანსური საპროცენტო შემოსავლების ან ხარჯების შესაბამის პერიოდში გადაანაწილების მეთოდი, ისე რომ მიღებულ იქნეს პერიოდის მუდმივი საპროცენტო განაკვეთი (ეფექტური საპროცენტო განაკვეთი) საბალანსო ღირებულებაზე. ეფექტური საპროცენტო განაკვეთი არის განაკვეთი, რომელიც ზუსტად ადისკონტებს მომავალში მისაღებ ან გადასახდელ სავარაუდო ფულად სახსრებს (სამომავლო საკრედიტო ზარალის გარდა) ფინანსური ინსტრუმენტის მოსალოდნელი მომსახურების ვადის განმავლობაში, ან უფრო ხანმოკლე პერიოდის განმავლობაში, თუ შესაფერისია, ფინანსური ინსტრუმენტის წმინდა საბალანსო ღირებულებამდე. ეფექტური საპროცენტო განაკვეთით ხდება ცვალებადი საპროცენტო განაკვეთის ინსტრუმენტების ფულადი ნაკადების დისკონტირება პროცენტის გადაფასების შემდეგ თარიღამდე, გარდა პრემიის ან დისკონტისა, რომელიც ასახავს ინსტრუმენტში განსაზღვრული მცოცავი საპროცენტო განაკვეთის



შედავითის დიაპაზონს ან სხვა ცვლადებს, რომლებიც დამოკიდებული არ არის საბაზრო განაკვეთზე. მსგავსი პრემია ან დისკონტი ამორტიზდება ინსტრუმენტის მთელი მოსალოდნელი მომსახურების ვადის განმავლობაში. ახლანდელი ღირებულების გაანგარიშება მოიცავს მხარეების მიერ ყველა საკონტრაქტო გადახდილ ან მიღებულ საზღაურს, რომელიც შეადგენს ეფექტური საპროცენტო განაკვეთის განუყოფელ ნაწილს

3.16. ფინანსური აქტივების და ფინანსური ვალდებულებების კლასიფიკაცია

კომპანიის ფინანსურ აქტივები იყოფა სესხების და მოთხოვნების შეფასების კატეგორიებად. სესხები და მოთხოვნები არაწარმოებული ფინანსური აქტივებია, რომელთაც გააჩნია ფიქსირებული, ან განსაზღვრადი გადასახდელები გარდა იმისა, რომლებიც არ არის კვოტირებული აქტიურ ბაზარზე. ისინი აისახება მოკლევადიან აქტივებში, გარდა იმ მოთხოვნებისა, რომელთა დაფარვის ვადა აღემატება 12 თვეს საანგარიშგებო თარიღის შემდგომ. ამ უკანასკნელის კლასიფიკაცია ხდება გრძელვადიან აქტივებად.

კომპანიის ყველა ფინანსური ვალდებულება კლასიფიცირებულია როგორც “სხვა ფინანსური ვალდებულებები” და მათი ასახვა ხდება ამორტიზებული ღირებულებით.

3.17. ფინანსური ინსტრუმენტების თავდაპირველი აღიარება

ფინანსური აქტივებისა და ვალდებულებების თავდაპირველი აღიარება ხდება რეალური ღირებულებით, პლუს გარიგების დანახარჯებით. გარიგების ფასი არის თავდაპირველი აღიარებისას რეალური ღირებულების საუკეთესო მტკიცებულება. თავდაპირველი აღიარების დროს მიღებული შემოსულობის ან ზარალი მხოლოდ მაშინ აისახება, თუ არსებობს განსხვავება რეალურ ღირებულებასა და გარიგების ფასს შორის, რომლის დასაბუთებაც შესაძლებელია იმავე ინსტრუმენტის სხვა დაკვირვებად საბაზრო გარიგებებით, ან შეფასების ისეთი მეთოდით, რომელიც მხოლოდ დაკვირვებადი საბაზრო მონაცემების გამოყენებას გულისხმობს.

ყველა ფინანსური აქტივის შესყიდვა და გაყიდვა, რომელთა მიწოდება მოითხოვება მარეგულირებელი წესებით ან ბაზარზე დამკვიდრებული პრაქტიკით (ყიდვა-გაყიდვის “ჩვეულებრივი გზა”) დადგენილ ვადებში, აისახება გარიგების დადების თარიღით, რომელიც არის ის თარიღი, როდესაც კომპანია ფინანსური აქტივის მიწოდების ვალდებულებას იღებს. ყველა სხვა შესყიდვის აღიარება ხდება მაშინ, როდესაც კომპანია ხდება ინსტრუმენტის საკონტრაქტო პირობების მონაწილე.

3.18. ფინანსური აქტივების აღიარების შეწყვეტა

კომპანია ფინანსური აქტივების აღიარების შეწყვეტას ახორციელებს მაშინ, როდესაც (ა) აქტივები გამოსყიდულია, ან აქტივებიდან ფულადი ნაკადების მიღების უფლება სხვა მხრივა ამოიწურა, ან (ბ) კომპანიამ სხვას გადასცა ფინანსური აქტივებიდან ფულადი სახსრების მიღების უფლება, ან გააფორმა კვალიფიცირებადი “გავლითი შეთანხმება”, ხოლო ამავე დროს (ი) ასევე გადასცა აქტივის მფლობელობასთან დაკავშირებული ყველა მნიშვნელოვანი რისკი და სარგებელი, ან (ii) არ გადასცა აქტივის მფლობელობასთან დაკავშირებული ყველა მნიშვნელოვანი რისკი და სარგებელი, მაგრამ არ ინარჩუნებს კონტროლს. კონტროლის შენარჩუნება ხდება მაშინ, როდესაც მეორე მხარეს არ გააჩნია დაუკავშირებული, მესამე მხარისათვის ერთიანი აქტივის მიყიდვის პრაქტიკული უნარი გაყიდვაზე დამატებითი შეზღუდვების დაწესების გარეშე.

3.19. ამორტიზებული ღირებულებით ასახული ფინანსური აქტივების გაუფასურება

გაუფასურების ზარალის აღიარება ხდება მოგებაში ან ზარალში მისი მოხდენისთანავე ერთი ან უფრო მეტი მოვლენის შედეგად (“ზარალის განმაპირობელი მოვლენები”), რომელთაც ადგილი ჰქონდათ ფინანსური აქტივის თავდაპირველი აღიარების შემდეგ და რომლებიც ზეგავლენას ახდენენ მოცემული ფინანსური აქტივიდან, ან ფინანსური აქტივების ჯგუფიდან, რომელთა საიმედო შეფასებაც შესაძლებელია, მომავალი ფულადი სახსრების ნაკადების შეფასების ოდენობაზე, ან პერიოდულობაზე. იმ შემთხვევაში, თუ კომპანია დაადგენს, რომ არ არსებობს ობიექტური მტკიცებულება იმისა, რომ ადგილი ჰქონდა ინდივიდუალურად შეფასებული აქტივის გაუფასურებას, მიუხედავად მნიშვნელოვანი, ან უმნიშვნელო გაუფასურებისა, კომპანია ამ აქტივს მიუკუთვნებს ანალოგიური საკრედიტო რისკის მახასიათებლების მქონე ფინანსური აქტივების ჯგუფს და ერთობლივად შეაფასებს მათ გაუფასურებას. ფინანსური აქტივის გაუფასურების შეფასებისას ძირითადი ფაქტორები, რომელსაც გაითვალისწინებს კომპანია, არის ფინანსური აქტივის ვადაგადაცილებულობის სტატუსი და მასთან დაკავშირებული გირაოს[უზრუნველყოფის საშუალების], თუ ის არსებობს, რეალიზებადობა. შემდეგი სხვა პრინციპული კრიტერიუმები, რომელიც ასევე გამოიყენება იმის დასადგენად არსებობს თუ არა ობიექტური მტკიცებულება გაუფასურების ზარალის არსებობის დასადგენად, შემდეგია:

- თანხის ნებისმიერი ნაწილი, ან შესატანი თანხის გადახდა ვადაგადაცილებულია და გვიანი გადახდა არ მიეწერება ანგარიშსწორების სიტემით გამოწვეულ დაბრკოლებას;
- კონტრაქტის ხელმოწერილი მეორე მხარე განიცდის მნიშვნელოვან ფინანსურ სირთულეს, რასაც მოწმობს კომპანიის მიერ მოპოვებული ფინანსური ინფორმაცია;



- კონტრაქტის ხელმომწერი მეორე მხარე განიცდის მნიშვნელოვან ფინანსურ სირთულეს, რასაც მოწმობს კომპანიის მიერ მოპოვებული ფინანსური ინფორმაცია;
- კონტრაქტის ხელმომწერი მეორე მხარის მიერ გადახდის მდგომარეობაში უარყოფითი ცვლილებაა, რაც განაპირობა მთელს ქვეყანაში, ან ადგილობრივი ეკონომიკური პირობების შეცვლამ, რამაც ზეგავლენა მოახდინა კონტრაქტის ხელმომწერი მეორე მხარეზე; ან
- გირაოს ღირებულება, მისი არსებობის შემთხვევაში, მნიშვნელოვნად შემცირდა საბაზრო პირობების გაუარესების შედეგად.

იმ შემთხვევაში, თუ ამორტიზებული ღირებულებით ასახული გაუფასურებული ფინანსური აქტივის პირობები მოლაპარაკების შედეგად შეიცვალა, ან სხვა მხრივ მოხდა მოდიფიცირება კონტრაქტის ხელმომწერი მეორე მხარის ფინანსური სირთულეების გამო, გაუფასურების შეფასება ხდება პირობების მოდიფიკაციამდე არსებული თავდაპირველი ეფექტური საპროცენტო განაკვეთის გამოყენებით.

გაუფასურების ზარალი ყოველთვის აღიარდება რეზერვის ანგარიშის გამოყენებით, რათა აქტივის საბალანსო ღირებულება დაყვანილ იქნეს მოსალოდნელი ფულადი სახსრების ნაკადების მიმდინარე დისკონტრებული ღირებულებამდე (რომელიც არ მოიცავს მომავალ საკრედიტო დანაკარგებს, რომლებიც წარმოშობილი არ ყოფილა), რომელთა დისკონტირებაც ხდება მოცემული აქტივის თავდაპირველი ფაქტობრივი საპროცენტო განაკვეთით. დაგირავებული ფინანსური აქტივიდან სამომავლო ფულადი ნაკადების მიმდინარე ღირებულების კალკულაციაში აისახება ფულადი ნაკადები, რომლებიც შეიძლება გამოწვეული იყოს დაგირავებული აქტივის უმცირესი ფასებით გაყიდვით ან შესყიდვით, მიუხედავად იმისა, არსებობს თუ არა დაგირავებულ აქტივზე უფლების დაკარგვის საშიშროება.

იმ შემთხვევაში, თუ მომდევნო პერიოდში გაუფასურების ზარალი შემცირდება და ამ შემცირების ობიექტურად დაკავშირება შესაძლებელია გაუფასურების თანხის აღიარების შემდეგ მომხდარ მოვლენასთან (მაგალითად, როგორცაა დებიტორის საკრედიტო რეიტინგის გაუმჯობესება), ადრე აღიარებული გაუფასურების ზარალის კომპენსირება ხდება რეზერვის ანგარიშის კორექტირებით, მოცემული წლის მოგების ან ზარალის მეშვეობით.

ამოუღებელი აქტივები ჩამოიწერება შესაბამისი გაუფასურების ზარალის ანარიცხებში მას შემდეგ, როდესაც დასრულდება აქტივის ამოსაღებად ყველა საჭირო პროცედურის განხორციელება დასრულდება და განისაზღვრება ზარალის ოდენობა. შემდგომ ამოღებული თანხები, რომელიც ადრე იქნა ჩამოწერილი, დაერიცხება სხვა შემოსავლის ანგარიშს მოცემული წლის მოგებაში, ან ზარალში.

3.20. მნიშვნელოვანი სააღრიცხვო შეფასებები, და სააღრიცხვო პოლიტიკის განხორციელების დროს გამოყენებული განსჯა

კომპანია ახორციელებს შეფასებებსა და აკეთებს დაშვებებს, რომელიც ზეგავლენას მოახდენს ფინანსურ ანგარიშგებაში აღიარებულ თანხებსა და აქტივებისა და ვალდებულებების საბალანსო ღირებულებაზე მომდევნო ფინანსური წლის განმავლობაში. შეფასებები და მსჯელობა მუდმივად ფასდება და ემყარება კომპანიის ხელმძღვანელობის გამოცდილებასა და სხვა ფაქტორებს, მათ შორის მომავალში მოსალოდნელ მოვლენებს, რომელთა მოხდენის დაშვებაც გონიერულად არის მიჩნეული არსებული გარემოებების გათვალისწინებით. აღნიშნული შეფასებების გარდა კომპანიის ხელმძღვანელობა ასევე მიმართავს გარკვეულ განსჯას სააღრიცხვო პოლიტიკის გამოყენების დროს. განსჯის შედეგად მიღებული გადაწყვეტილებები ყველაზე დიდ ზეგავლენას ახდენს ფინანსურ ანგარიშგებაში აღიარებულ თანხებზე და შეფასებებზე, რომელთაც შესაძლოა განაპირობონ აქტივებისა და ვალდებულებების საბალანსო ღირებულების მნიშვნელოვანი კორექტირება მომდევნო ფინანსური წლის განმავლობაში. ამგვარი გადაწყვეტილებებია:

ძირითადი საშუალებების სასარგებლო მომსახურების ვადა. ძირითადი საშუალებების სასარგებლო მომსახურების ვადის განსაზღვრა განსჯის საგანია, რომელიც უნდა ეყრდნობოდეს ანალოგიურ აქტივებთან მიმართებით არსებულ გამოცდილებას. აქტივებში განთავსებული მომავალი ეკონომიკური სარგებლის მიღება ხდება უმთავრესად მათი გამოყენების მეშვეობით. თუმცა, სხვა ფაქტორები, როგორცაა აქტივის ტექნიკური, ან კომერციული მოძველება და ცვეთა, ხშირად განაპირობებს აქტივებში განთავსებული ეკონომიკური სარგებლის შემცირებას. კომპანიის ხელმძღვანელობა აქტივების დარჩენილი მომსახურების ვადას აფასებს მოცემული აქტივების არსებული ტექნიკური მდგომარეობისა და იმ შეფასებული პერიოდის გათვალისწინებით, რომლის განმავლობაშიც მოსალოდნელია ეკონომიკური სარგებლის მიღება კომპანიის მიერ. გაითვალისწინება შემდეგი ძირითადი ფაქტორები: (ა) აქტივების მოსალოდნელი გამოყენება; (ბ) მოსალოდნელი ფიზიკური ცვეთა, რაც დამოკიდებულია საოპერაციო ფაქტორებსა და ტექნიკური მომსახურების პროგრამაზე; და (გ) საბაზრო პირობებით განპირობებული ტექნიკური, ან კომერციული მოძველება.

საწარმოს უწყვეტობის პრინციპი. კომპანიამ ფინანსური ანგარიშგება მოამზადა საწარმოს უწყვეტობის პრინციპის მიხედვით, რაც გულისხმობს აქტივების რეალიზაციას და ვალდებულებების დაფარვას საწარმოს ჩვეულებრივი საქმიანობის პირობებში.



3.21. ბუღალტრული აღრიცხვის ახალი ოფიციალური დოკუმენტები

2017 წლის 1 იანვრიდან კომპანიაში დაინერგა შემდეგი სტანდარტები და ცვლილებები:

ცვლილებები ბასს 12-ში, მოგების გადასახადი

IASB-მა გამოუშვა დოკუმენტი გადავადებული საგადასახადო აქტივის აღიარება არარეალიზებული ზარალისათვის, რომლითაც მცირე მასშტაბის ცვლილებები შევიდა ბასს 12-ში, „მოგების გადასახადი“. ამ განახლების მიზანია განსაზღვროს თუ როგორ აღირიცხოს გადავადებული მოგების გადასახადი, რომელიც დაკავშირებულია სამართლიანი ღირებულებით განსაზღვრულ სასესხო ინსტრუმენტებთან. ნაწილობრივ, სადაც საბაზრო საპროცენტო განაკვეთის შემცირება იწვევს ფინანსური ინსტრუმენტის სამართლიანი ღირებულების შემცირებას.

ცვლილებები აზუსტებენ შემდეგ ასპექტებს:

- არარეალიზებული ზარალი სასესხო ინსტრუმენტებზე, რომლებიც ფინანსურ ანგარიშგებაში ასახულია სამართლიანი ღირებულებით, ხოლო საგადასახადო მიზნებისთვის აისახება თვითღირებულებით, წარმოშობს გამოქვითვად დროებით სხვაობას, მიუხედავად იმისა, ამ ინსტრუმენტის მფლობელი მის გაყიდვას აპირებს თუ გამოყენებას;
- აქტივის საბალანსო ღირებულება არ გვზღუდავს სავარაუდო მოგების გადასახადის განსაზღვრებაში;
- განსაზღვრული მომავალი დასაბეგრი მოგება არ შეიცავს იმ საგადასახადო გამოქვითვებს, რომლებიც წარმოქმნილია გამოსაქვითი დროებითი სხვაობების შებრუნებით.
- კომპანია უნდა განსაზღვროს საგადასახადო კოდექსის შეზღუდვები დასაბეგრი მოგების იმ წყაროზე, რომელსაც შეუძლიათ შეამცირონ გამოსაქვითი დროებითი სხვაობების შებრუნება. თუ საგადასახადო არ შემოღებს ამგვარ შეზღუდვას, მაშინ კომპანიას შეეძლება ეს დროებითი გამოქვითვადი სხვაობა შეაფასოს სხვა დროებით გამოსაქვით სხვაობებთან ერთად.

ცვლილებები ეფექტური იქნება 2017 წლის 1 იანვრიდან და მათი გამოყენება მოითხოვება რეტროსპექტულად. ხელმძღვანელობა ამ ცვლილებებისგან არ მოელის მნიშვნელოვან გავლენას კონსოლიდირებულ ფინანსურ ანგარიშგებაზე, რადგან საქართველოს საგადასახადო კანონმდებლობაში შესული ცვლილებებიდან გამომდინარე 2017 წლიდან ფინანსურ ანგარიშგებაში გადავადებული გადასახადების აღიარება აღარ მოხდება, რადგან აღარ იარსებებს ის ფაქტორები რაც გადავადებულ გადასახადებს წარმოშობდა.

ბასს (IAS) 7 ინფორმაციის გახსნის ინიციატივა – ცვლილებები ბასს (IAS) 7-ში

ბასს 7-ში „ფულადი ნაკადების ანგარიშგება“ ცვლილებები შევიდა „ინფორმაციის გახსნის ინიციატივის“ ფარგლებში და საწარმოებს ავალდებულებს ისეთი ინფორმაციის წარმოდგენას, რომელიც ფინანსური ანგარიშგების მომხმარებლებს საშუალებას მისცემს, შეაფასონ საფინანსო საქმიანობის შედეგად ვალდებულებებში მომხდარი ცვლილებები, ფულადი ნაკადებით განპირობებული ცვლილებებისა და არაფულადი ცვლილებების ჩათვლით. ცვლილების თავდაპირველად განხორციელებისას, საწარმოებს არ მოეთხოვებათ წინა პერიოდებთან შედარებადი ინფორმაციის წარმოდგენა. ცვლილებები ძალაში შედის 2017 წლის 1 იანვრიდან დაწყებული წლიური პერიოდებისთვის. ნებადართულია ვადაზე ადრე გამოყენება.

ახალი ან გადასინჯული სტანდარტების და ინტერპრეტაციები, რომლებიც ჯერ არ არის ეფექტური ან წინსწრებით დაწერგილი:

ფასს (IFRS) 9 "ფინანსური ინსტრუმენტები"

2014 წლის ივლისში, ბუღალტრული აღრიცხვის საერთაშორისო სტანდარტების საბჭომ (ბასსს) გამოსცა ფასს 9-ის "ფინანსური ინსტრუმენტები" ბოლო ვერსია, რომელიც ანაცვლებს ბასს 39-ს "ფინანსური ინსტრუმენტები: აღიარება და შეფასება" და ფასს 9-ის ყველა წინა ვერსიას. ფასს 9 ფინანსური ინსტრუმენტების პროექტის ბუღალტრული აღრიცხვის სამივე ასპექტს აერთიანებს: კლასიფიკაცია და შეფასება, გაუფასურება და ჰეჯირების აღრიცხვა. ფასს 9 მოქმედებს წლიური პერიოდებისათვის, რომლებიც იწყება 2018 წლის 1 იანვარს ან ამ თარიღის შემდეგ, ადრეული გამოყენების დაშვებით. გარდა ჰეჯირების აღრიცხვისა, სავალდებულოა რეტროსპექტული გამოყენება, მაგრამ შესადარისი ინფორმაცია სავალდებულო არ არის. ჰეჯირების აღრიცხვის შემთხვევაში, მოთხოვნები ზოგადად პერსპექტიულად გამოიყენება, გარკვეული ლიმიტირებული გამონაკლისებით.

ფასს (IFRS) 15 "შემოსავალი კლიენტებთან გაფორმებული კონტრაქტებიდან"



ფასს 15 გამოიცა 2014 წლის მაისში და განსაზღვრავს ხუთეტაპიან მოდელს, რომელიც გამოიყენება კლიენტებთან გაფორმებული კონტრაქტებიდან მიღებული შემოსავლების ასახვისთვის. ფასს 15-ის მიხედვით, შემოსავლების აღიარება მოხდება იმ ანაზღაურების ოდენობით, რომელსაც საწარმო მოელის კლიენტისთვის საქონლის ან მომსახურების მიწოდების სანაცვლოდ.

შემოსავლების ახალი სტანდარტი ჩაანაცვლებს ფასს-ის მიხედვით შემოსავლების აღიარების ყველა არსებულ წესს. სრული რეტროსპექტული გამოყენება ან მოდიფიცირებული რეტროსპექტული გამოყენება სავალდებულოა 2018 წლის 1 იანვრიდან დაწყებული წლიური პერიოდებისთვის. დასაშვებია უფრო ადრე გამოყენებაც. „კომპანია“ აპირებს ახალი სტანდარტის მიღებას მისი ძალაში შესვლის თარიღისთვის სრული რეტროსპექტული მეთოდის გამოყენებით.

ფასს (IFRS) 16 იჯარა

ფასს (IFRS) 16 გამოიცა 2016 წლის იანვარში და ჩაანაცვლებს ბასს (IAS) 17-ს „იჯარა“, ფასს (IFRIC) 4-ს „როგორ განვსაზღვროთ, შეიცავს თუ არა შეთანხმება იჯარას“, იმკ (SIC) 15-ს „საოპერაციო იჯარა - სტიმულირება“ და იმკ (SIC) 27-ს „გარიგებების შინაარსის შეფასება, რომელიც შეიცავს იჯარის სამართლებრივ ფორმას“. ფასს (IFRS) 16-ში მოცემულია იჯარის აღიარების, შეფასების, წარდგენისა და განმარტებითი შენიშვნების პრინციპები და მოიჯარისგან მოითხოვს ყველა იჯარის აღრიცხვას ერთ საბალანსო უწყისზე, ბასს (IAS) 17-ის მიხედვით ფინანსური იჯარის აღრიცხვის ანალოგიურად.

სტანდარტი ითვალისწინებს აღიარების ორ გამონაკლისს მოიჯარეებისთვის - „დაბალი ღირებულები მქონე“ აქტივების (მაგ. პერსონალური კომპიუტერები) იჯარა და მოკლევადიანი იჯარა (ე. ი. იჯარა 12-თვიანი ან ნაკლები ვადით).

საიჯარო ხელშეკრულების ძალაში შესვლის თარიღისთვის, მოიჯარე აღიარებს ვალდებულებას საიჯარო გადასახადის გადახდის თაობაზე (ე. ი. საიჯარო ვალდებულება) და აქტივს, რომელიც წარმოადგენს უფლებას შესაბამისი აქტივის გამოყენებაზე იჯარის ვადის განმავლობაში (ე. ი. აქტივის გამოყენების უფლება). მოიჯარეები ვალდებული არიან ცალკე აღიარონ საიჯარო ვალდებულების საპროცენტო ხარჯი და აქტივის გამოყენების უფლების სამორტიზაციო ხარჯი.

მოიჯარე ასევე ვალდებულია გარკვეული მოვლენების დადგომის შემთხვევაში (მაგ. იჯარის ვადის შეცვლა, სამომავლო საიჯარო გადასახადებში ცვლილება მათი განსაზღვრისთვის გამოყენებული ინდექსის ან განაკვეთის ცვლილების გამო) ხელახლა შეაფასოს საიჯარო ვალდებულება. მოიჯარე ზოგადად საიჯარო ვალდებულების ხელახლა შეფასების თანხას აღიარებს, როგორც აქტივის გამოყენების უფლების კორექტირებას.

მეიჯარის აღრიცხვა ფასს 16-ის მიხედვით არსებითად არ განსხვავდება ბასს 17-ის თანახმად არსებული პრაქტიკისგან. მეიჯარე გააგრძელებს ყველა იჯარის კლასიფიცირებას იმავე პრინციპით, როგორითაც ბასს 17-ის მიხედვით და გამიჯნავს ორი ტიპის იჯარას: საოპერაციოს და ფინანსურს.

ფასს 16-ით როგორც მოიჯარეებს, ისე მეიჯარეებს ავალდებულებს უფრო დეტალური განმარტებითი შენიშვნების წარმოდგენას, ვიდრე ეს ბასს 17-ის თანახმად ხდებოდა. ფასს 16 ძალაში შედის 2019 წლის 1 იანვრიდან დაწყებული წლიური პერიოდებისთვის. ნებადართულია ნაადრევი გამოყენება, თუმცა საწარმოს მიერ ფასს 15-ის გამოყენებაზე ადრე არაა. მოიჯარემ შეიძლება გადაწყვიტოს სტანდარტის გამოყენება მთლიანად რეტროსპექტული ან მოდიფიცირებული რეტროსპექტული მიდგომით. სტანდარტის გარდამავალი დებულებები გარკვეულ შეღავათებს ითვალისწინებს.

ცვლილებები ფასს 2-ში წილობრივი ინსტრუმენტებით ანგარიშსწორების კლასიფიკაცია და გაზომვა

ცვლილებები სავალდებულოა 2018 წლის 1 იანვრიდან. მათი მიზანია სტანდარტში არსებული ზოგიერთი პრინციპისა და სააღრიცხვო მიდგომის განმარტება.

გაუმჯობესებათა 2014-2016 წლების ციკლი

აღნიშნული ძალაშია 2018 წლის 1 იანვრიდან:

- ფასს 1 - არსებული მოკლევადიანი შეღავათები ფასს 7, ბასს 19 და ფასს 10-ის გარდამავალი მუხლებისათვის გაუქმებულია (არა-აქტუალობის გამო);
- ბასს 28 - განმარტებულია, რომ ერთობლივმა საწარმოებმა, ფონდებმა და მსგავსმა ორგანიზაციებმა მეკავშირეებსა და ერთობლივ საწარმოებში ინვესტიციების სამართლიანი ღირებულებით ასახვის არჩევანი უნდა განახორციელონ ინდივიდუალურად თითოეული ორგანიზაციისათვის თავდაპირველი აღიარებისას.

ცვლილებები ბასს 40-ში

ცვლილებები განმარტავენ, რომ საინვესტიციო ქონებაში აქტივის შეტანა ან გატანა შესაძლებელია მხოლოდ ამ აქტივის გამოყენების დადასტურებული ცვლილებების შემთხვევაში. გამოყენების ცვლილებას ადგილი აქვს,



როდესაც აქტივი აკმაყოფილებას ან აღარ აკმაყოფილებას საინვესტიციო ქონების განმარტებას. ხელმძღვანელობის განზრახვა, აქტივის გამოყენებასთან დაკავშირებით არ არის საკმარისი მტკიცებულება აქტივის კლასიფიკაციის მიზნებისათვის. ცვლილებები ძალაში შევა 2018 წლის 1 იანვრიდან და მათი დანერგვა, გარკვეული დაშვებებით, შესაზღოვებელია როგორც პერსპექტიულად ისე რეტროსპექტიულად.

ბუღალტრული აღრიცხვის ახალი ოფიციალური დოკუმენტები

ქვემოთ ჩამოთვლილია გამოქვეყნებული სტანდარტები, რომელთა დანერგვა სავალდებულოა 2016 წლის 1 იანვრიდან. მათი წინსწრებით დანერგვა არ მომხდარა და კომპანია არ ელის, რომ მათ დანერგვას ექნება რაიმე მნიშვნელოვანი გავლენა კომპანიის ფინანსურ ანგარიშგებაზე.

- ფასს 9, „ფინანსური ინსტრუმენტები“ - განიხილავს ფინანსური აქტივებისა და ვალდებულებების კლასიფიკაციას, გაზომვასა და აღიარების შეწყვეტას, აგრეთვე აყალიბებს ახალ წესებს ჰეჯირების ბუღალტრული აღრიცხვის მიზნებისათვის. სტანდარტი ძალაში შედის 2018 წლის 1 იანვრიდან და მისი წინსწრებით დანერგვა ნებადართულია. კომპანია არ ელის, რომ სტანდარტით განსაზღვრული კლასიფიკაციის, გაზომვისა და აღიარების შეწყვეტის წესების ცვლილებას რაიმე გავლენა ექნება კომპანიის ფინანსურ ინსტრუმენტებზე. ახალ სტანდარტს, ამასთანავე, არ ექნება გავლენა ფინანსური ვალდებულებების აღრიცხვაზე, ვინაიდან ცვლილებები ეხება სამართლიანი ღირებულებით წარდგენილ ფინანსურ ვალდებულებებს; კომპანიაში ამგვარი ვალდებულებები არ არსებობს. კომპანიას არ გააჩნია ჰეჯირების ინსტრუმენტები, შესაბამისად ჰეჯირების ახალ წესებს არ აქვთ რაიმე გავლენა კომპანიის ფინანსურ ანგარიშგებაზე. ფინანსური აქტივების გაუფასურების ახალმა მოდელმა - „მოსალოდნელი საკრედიტო ზარალის მოდელი (expected credit loss (ECL))“ შეიზღუბა გამოიწვიოს ზარალის უფრო ადრე აღიარება ვიდრე ეს აქამდე ხორციელდება კომპანიაში.
- ფასს 15, „შემოსავლების მომხმარებელთა კონტრაქტებიდან“ - ჩანაცვლებს ბასს 18-სა და ბასს 11-ს. ახალი სტანდარტით შემოსავლების აღიარების დროდ განისაზღვრება მომსახურებასა თუ საქონელზე მომხმარებლის კონტროლის მოპოვების მომენტი; კონტროლის ცნება ანაცვლებს ამჟამად არსებულ რისკისა და სარგებლის ცნებებს. სტანდარტი ძალაში შედის 2017 წლის პირველი იანვრიდან. კომპანია აანალიზებს სტანდარტის დანერგვის გავლენას ფინანსურ ანგარიშგებასა და ბუღალტრული აღრიცხვის სისტემებზე.
- ცვლილებები ფასს 11, „ერთობლივი საქმიანობა“ - ეხება ერთობლივ საქმიანობაში წილის მოპოვებას. განახლებული სტანდარტი ძალაში შედის 2016 წლის 1 იანვრიდან. ამ სტანდარტს არ აქვს რაიმე შემხებლობა კომპანიის საქმიანობასთან.
- ცვლილებები ბასს 16, „ძირითადი საშუალებები“ და ბასს 38, „არამატერიალური აქტივები“ - განმარტავს ცვეთისა და ამორტიზაციის შემოსავლებზე დაფუძნებული კალკულაციის მეთოდებს. სტანდარტი ძალაში შედის 2016 წლის 1 იანვრიდან და არ იქონიებს რაიმე გავლენას კომპანიის ფინანსურ ანგარიშგებასა და ბუღალტრულ არღიცხვაზე.
- ცვლილებები ბასს 16, „ძირითადი საშუალებები“ და ბასს 41, „სოფლის მეურნეობა“ - ეხება მსხმოიარე მცენარეების აღრიცხვას. სტანდარტები ძალაშია 2016 წლის 1 იანვრიდან და არ იქონიებენ რაიმე გავლენას კომპანიის ფინანსურ ანგარიშგებასა და ბუღალტრულ არღიცხვაზე.
- ცვლილებები ფასს 10-სა და ბასს 28-ში ინვესტორსა და მეკავშირე საწარმოს შორის აქტივების მიწოდებასთან დაკავშირებით. სტანდარტები ძალაშია 2016 წლის 1 იანვრიდან და არ იქონიებენ რაიმე გავლენას კომპანიის ფინანსურ ანგარიშგებასა და ბუღალტრულ არღიცხვაზე.
- ცვლილებები ბასს 27, „ცალკე მდგომი ფინანსური ანგარიშგება“ - სტანდარტი ძალაშია 2016 წლის 1 იანვრიდან და არ ახდენს რაიმე გავლენას კომპანიის ფინანსურ ანგარიშგებასა და ბუღალტრულ არღიცხვაზე.

შპს დილის პროდუქტები

2017 წლის 31 დეკემბრის მდგომარეობით და ამ თარიღით დასრულებული წლისათვის
(თანხები მოცემულია ათას ლარში, თუ სხვაგვარად არ არის მითითებული)



შენიშვნა 4. ძირითადი საშუალებები

	მიწა და შენობა- ნაგებობები	სატრანსპორტო საშუალებები	მოწყობილობები	ოფისის აღჭურვილობა	სხვა	სულ
01.01.2017						
ისტორიული ღირებულება	10,499	631	3,886	240	948	16,205
დაგროვილი ცვეთა	-	-	-	(157)	-	(157)
საბალანსო ღირებულება	10,499	631	3,886	83	948	16,048
2017 წლის ცვლილება:						
შეძენები	358	156	287	22	3	826
გასვლა	(44)	(24)	-	-	-	(68)
რეკლასიფიკაცია	84	-	-	-	(84)	-
ცვეთის ხარჯი	(1,116)	(121)	(306)	(49)	-	(1,591)
საბალანსო ღირებულება	9,781	642	3,867	57	867	15,214
31.12.2017						
ისტორიული ღირებულება	10,897	763	4,173	262	867	16,963
დაგროვილი ცვეთა	(1,116)	(121)	(306)	(205)	-	(1,748)
საბალანსო ღირებულება	9,781	642	3,867	57	867	15,214

კომპანიის კუთვნილი მოწყობილობები 2017 წლის 31 დეკემბრის მდგომარეობით დაგირავებულია სს საქართველოს ბანკის სასარგებლოდ, გრძელვადიანი სესხების უზრუნველყოფის მიზნით.

შენიშვნა 5. ბიოლოგიური აქტივები

	კვერცხისმდებელი ქათამი
01.01.2017	
ისტორიული ღირებულება	1,980
დაგროვილი ცვეთა	(608)
საბალანსო ღირებულება	1,372
2017 წლის ცვლილება:	
შეძენები	1,403
გასვლა	(388)
ცვეთის ხარჯი	(704)
საბალანსო ღირებულება	1,683
31.12.2017	
ისტორიული ღირებულება	2,315
დაგროვილი ცვეთა	(632)
საბალანსო ღირებულება	1,683

შპს დილის პროდუქტები

2017 წლის 31 დეკემბრის მდგომარეობით და ამ თარიღით დასრულებული წლისათვის
(თანხები მოცემულია ათას ლარში, თუ სხვაგვარად არ არის მითითებული)



შენიშვნა 6. არამატერიალური აქტივები

პროგრამული უზრუნველყოფა

2016 წლის 31 დეკემბრის მდგომარეობით	
ისტორიული ღირებულება	125
დაგროვილი ამორტიზაცია	(94)
საბალანსო ღირებულება	30
2017 წლის 31 დეკემბრის მდგომარეობით	
შეძენები	2
ცვეთის ხარჯი	(6)
საბალანსო ღირებულება	26
2017 წლის 31 დეკემბრის მდგომარეობით	
ისტორიული ღირებულება	126
დაგროვილი ამორტიზაცია	(100)
საბალანსო ღირებულება	26

შენიშვნა 7. სასაქონლო მატერიალური ფასეულობები

	31-12-17	01-01-17
სავაჭრო საქონელი	1,399	763
ნედლეული და მასალები	589	513
სხვა	19	17
სულ სასაქონლო მატერიალური ფასეულობები	2,007	1,293

შენიშვნა 8. სავაჭრო და სხვა დებიტორული დავალიანება

	31-12-17	01-01-17
სავაჭრო დებიტორული დავალიანება	3,843	3,432
სავაჭრო დებიტორული დავალიანების გაუფასურების რეზერვი	(2,743)	(2,741)
	1,100	691
გაცემული სესხები	1,235	1,193
გაცემული სესხების გაუფასურების რეზერვი	(1,235)	(1,193)
	-	-
გაცემული ავანსები	899	900
გაცემული ავანსების გაუფასურების რეზერვი	(226)	(226)
	673	674
სხვა დებიტორული დავალიანება	196	324
სხვა დებიტორული დავალიანების გაუფასურების რეზერვი	(72)	(72)
	124	252
სულ სავაჭრო და სხვა დებიტორული დავალიანება	1,897	1,617

შპს დილის პროდუქტები

2017 წლის 31 დეკემბრის მდგომარეობით და ამ თარიღით დასრულებული წლისათვის
(თანხები მოცემულია ათას ლარში, თუ სხვაგვარად არ არის მითითებული)



შენიშვნა 9. ფულადი სახსრები და მათი ექვივალენტები

	31-12-17	01-01-17
ნაღდი ფული	11	49
ფული საბანკო ანგარიშებზე ეროვნულ ვალუტაში	499	381
ფული საბანკო ანგარიშებზე უცხოურ ვალუტაში	486	179
სულ ფულადი სახსრები და მათი ექვივალენტები	996	609

შენიშვნა 10. სესხები

	31-12-17	01-01-17
გრძელვადიანი სესხები:		
საბანკო სესხები	1,757	3,054
გრძელვადიანი სესხი ფიზიკური პირისგან	276	325
	2,036	3,379
მოკლევადიანი ნაწილი		
საბანკო სესხების მიმდინარე ნაწილი	1,692	1,559
საბანკო სესხზე გადასახდელი პროცენტი	9	-
ფიზიკური პირისგან აღებულ სესხის მიმდინარე ნაწილი	370	328
	2,071	1,887
სულ	4,107	5,266

საბანკო სესხები წარმოადგენენ სს საქართველოს ბანკისაგან უცხოურ ვალუტაში მიღებულ კრედიტებს და უზრუნველყოფილია კომპანიის ძირითადი საშუალებებით (მოწყობილობებით, იხ. შენიშვნა 4).

შენიშვნა 11. სავაჭრო და სხვა კრედიტორული დავალიანება

	31-12-17	01-01-17
სავაჭრო კრედიტორული დავალიანება	818	1,017
გადასახდელი ხელფასები	136	36
გადასახდელი გადასახადები	374	382
გადასახდელი პროცენტები	-	-
სხვა კრედიტორული დავალიანება	4	-
სულ სავაჭრო და სხვა კრედიტორული დავალიანება	1,333	1,434

შენიშვნა 12. შემოსავალი

	2017 წელი
შემოსავალი რეალიზაციიდან	19,124
სხვა შემოსავლები	37
სულ შემოსავალი	19,160



შენიშვნა 13. ფინანსური ხარჯები, ნეტო

2017 წელი

მოგება საკუროს სხვაობიდან (ზარალი)	138
შემოსავალი შეღავათიანი სესხებიდან	37
საპროცენტო ხარჯი	(372)
სულ ფინანსური ხარჯი, ნეტო	(197)

შენიშვნა 14. ფინანსური რისკის მართვა

კომპანიაში რისკების მართვა ხორციელდება ფინანსურ რისკებთან, საოპერაციო რისკებთან და სამართლებრივ რისკებთან დაკავშირებით. ფინანსური რისკი შეიცავს საბაზრო რისკს მათ შორის სავალუტო რისკს, საპროცენტო განაკვეთის რისკს და სხვა საფასო რისკს), საკრედიტო რისკს და ლიკვიდურობის რისკს. ფინანსური რისკის მართვის ძირითადი ამოცანებია რისკის შეზღუდვების დადგენა და შემდგომ იმის უზრუნველყოფა, რომ რისკის ფაქტორისადმი დაქვემდებარება ამ შეზღუდვებს არ გასცდეს. საოპერაციო და სამართლებრივი რისკის ფაქტორების მართვის ფუნქციები განკუთვნილია შიდა პოლიტიკის და პროცედურების სათანადოდ ფუნქციონირების მიზნით, საოპერაციო და სამართლებრივი რისკების შესამცირებლად.

საკრედიტო რისკი. კომპანიის აქვს საკრედიტო რისკი. ეს არის რისკი, როდესაც ფინანსური ინსტრუმენტის ერთი მხარე ვალდებულების შეუსრულებლობის შედეგად გამოიწვევს მეორე მხარის ფინანსურ ზარალს. ამგვარი საკრედიტო რისკი წარმოიქმნება კომპანიის მიერ კონტრაგენტებისათვის პროდუქციის კრედიტით მიყიდვისას და აგრეთვე სხვა ოპერაციების შემთხვევაში, რომელთა შედეგადაც წარმოიქმნება ფინანსური აქტივები.

კომპანიის მაქსიმალური საკრედიტო რისკი აქტივების კომპანიების მიხედვით:

	31-12-17	01-01-17
სავაჭრო და სხვა დებიტორული დავალიანება		
სავაჭრო დებიტორული დავალიანება	1,100	691
ფულადი სახსრები და მათი ექვივალენტები		
საბანკო ნაშთები	996	609
საკრედიტო რისკის მაქსიმუმი	2,096	1,300

აქტივებისა და ვალდებულებების ურთიერთგამოქცევის ზეგავლენა პოტენციური საკრედიტო რისკის ფაქტორისადმი დაქვემდებარების შემცირების მიზნით, უმნიშვნელოა.

კომპანია მის მიერ აღებული საკრედიტო რისკების სტრუქტურირებას ახდენს კონტრაგენტების, ან კონტრაგენტების კომპანიების მიმართ აღებული რისკისდ მოცულობაზე შეზღუდვების დადგენით. საკრედიტო რისკის შეზღუდვებს რეგულარულად ამტკიცებს ხელმძღვანელობა. ამგვარი რისკების მონიტორინგი განმეორებით ხდება და ექვემდებარება წლიურ, ან უფრო მეტი სიხშირით გადასინჯვას.

კომპანიის ხელმძღვანელობა განიხილავს სავაჭრო დებიტორული დავალიანების ხანდაზმულობასა და წარსულში არსებულ ნაშთებს.

საბაზრო რისკი. კომპანია იღებს საბაზრო რისკებს. საბაზრო რისკები წარმოიქმნება ღია პოზიციების გამო: ა) უცხოურ ვალუტებში, ბ) პროცენტთან აქტივებსა და ვალდებულებებში, და დ) სააქციო კაპიტალის პროდუქტების მხრივ, რომელთაგან ყველა ექვემდებარება ზოგად და სპეციფიკურ საბაზრო ცვლილებებს. ხელმძღვანელობა განსაზღვრავს მისაღები რისკის მოცულობის შეზღუდვებს, რომლის მონიტორინგიც ხდება ყოველდღიურად. თუმცა, ამ მიდგომის გამოყენებით თავიდან არ იქნება აცილებული ის დანაკარგები, რომელიც ამ შეზღუდვების მიღმა იმ შემთხვევაში, თუ ადგილი ექნება უფრო მნიშვნელოვან საბაზრო ცვლილებებს.

ქვემოთ მოცემული საბაზრო რისკებისადმი მგნობიარობა ეფუძნება ფაქტორში მომხდარ ცვლილებას, ხოლო სხვა ფაქტორები უცვლელად განიხილება. ნაკლები ალბათობა არსებობს, რომ ამას ადგილი ექნება პრაქტიკაში და ზოგიერთ ფაქტორში ცვლილებები შესაძლოა დაკავშირებული იქნეს, - მაგალითად, საპროცენტო განაკვეთსა და უცხოურ სავალუტო განაკვეთებში მომხდარ ცვლილებებთან.

სავალუტო რისკი. სავალუტო რისკთან დაკავშირებით, ხელმძღვანელობა განსაზღვრავს ამ რისკისადმი დაქვემდებარების შეზღუდვებს ვალუტის მიხედვით და მთლიანად. ამ მხრივ მდგომარეობის მონიტორინგი ხორციელდება ყოველთვიურად. ამ რისკის ფაქტორისადმი დაქვემდებარება გაანგარიშებულ იქნა მხოლოდ ფულადი ნაშთებისათვის იმ ვალუტებში, რომლებიც კომპანიის შესაბამისი საწარმოს ვალუტას არ წარმოადგენს.



საპროცენტო განაკვეთის რისკი. კომპანიის ექვემდებარება იმ ცვლილებების შედეგებს, რომელსაც ადგილი აქვს გავრცელებულ საბაზრო საპროცენტო განაკვეთებში მისი ფინანსური მდგომარეობისა და ფულადი ნაკადების მიმართ. კომპანიის პროცენტური აქტივები მოიცავს ბანკის ვადიან დეპოზიტებს, მათი არსებობის შემთხვევაში.

კომპანიის საპროცენტო განაკვეთის რისკი უმთავრესად განპირობებულია სესხით სარგებლობასთან. ფიქსირებული განაკვეთებით აღებული სესხების შედეგად კომპანია ექვემდებარება საპროცენტო განაკვეთის რეალური ღირებულების რისკს.

კომპანიის არ გააჩნია ოფიციალური პოლიტიკა და პროცედურები საპროცენტო განაკვეთების რისკების სამართავად, რადგან ხელმძღვანელობას მიაჩნია, რომ ეს რისკი უმნიშვნელოა კომპანიის საქმიანობისათვის. თუმცა, ახალი სესხების გაცემის, ან სესხით სარგებლობის შემთხვევაში, ხელმძღვანელობა განსჯის ფიქსირებული განაკვეთი სჯობია კომპანიისთვის გადახდის მოსალოდნელი პერიოდის გათვალისწინებით, თუ ცვლადი განაკვეთი.

ლიკვიდურობის რისკი. ლიკვიდურობის რისკის ისეთი რისკია, რომლის წინაშეც იურიდიული პირის დგება მაშინ, როდესაც მას გააჩნია სირთულეები ფინანსური ვალდებულებების შესრულებასთან დაკავშირებით. კომპანიას ყოველდღე უკავშირდებიან კომპანიის არსებული ფულადი სახსრების რესურსების შესახებ. კომპანიის ხელმძღვანელობა მონიტორინგს ახორციელებს კომპანიის ფულადი ნაკადების ყოველთვიურ პროგნოზებზე. კომპანია ესწრაფვის შეინარჩუნოს სტაბილური საფინანსო ბაზა, რომელიც უმთავრესად შედგება საოპერაციო ფულადი ნაკადებისა და მომხმარებელთა წინასწარი გადახდებისაგან.

ქვემოთ მოცემულ ცხრილში ნაჩვენებია 2017 წლის 31 დეკემბრისათვის არსებული ვალდებულებები კონტრაქტების მიხედვით დარჩენილი გადახდის ვადების მიხედვით. დაფარვის ვადების ცხრილში მოცემული თანხები არის კონტრაქტით გათვალისწინებული არადისკონტირებული ფულადი სახსრების ნაკადები. ამგვარი არადისკონტირებული ფულადი სახსრების ნაკადები განსხვავდება ფინანსურ ანგარიშგებაში მოცემული თანხებისაგან, რადგან ფინანსური მდგომარეობის შესახებ ანგარიშგებაში მოცემული თანხა ეფუძნება დისკონტირებული ფულადი სახსრების ნაკადებს.

უცხო ვალუტაში გადახდები გადაანგარიშებულია საანგარიშგებო პერიოდის ბოლოს არსებული სპოტ გაცვლითი კრუსის მიხედვით.

ფინანსური ვალდებულებების გადახდის ვადების ანალიზი შემდეგია:

	ბანკის სესხები	სავაჭრო და სხვა კრედიტორული დავალიანება	სულ
31/12/2017:			
მოთხოვნისთანავე და 6 თვეზე ნაკლები	684	1,333	2,017
6-დან 12 თვემდე	1,017	-	1,017
12 თვიდან 2 წლამდე	1,333	-	1,333
2-დან 5 წლამდე	424	-	424
5 წელზე მეტი	-	-	-
სულ 31.12.2017	3,458	1,333	4,791

კაპიტალის მართვა. კომპანიის კაპიტალის მართვის ამოცანებია უზრუნველყოს კომპანიის, როგორც ფუნქციონირებადი, ფუნქციონირება, რათა აქციონირებმა მიიღონ უკუგება, ხოლო სხვა დაინტერესებულმა მხარეებმა – სარგებელი, და შენარჩუნდეს კაპიტალის ოპტიმალური სტრუქტურა, რათა შემცირდეს კაპიტალური ხარჯები. კაპიტალის სტრუქტურის შენარჩუნების, ან კორექტირების მიზნით, კომპანიამ შესაძლოა მოახდინოს აქციონერებისათვის გადასახდელი დივიდენდების ოდენობის, დაუბრუნოს აქციონერებს კაპიტალი, გამოუშვას ახალი აქციები, ან გაყიდოს აქტივები ვალის შესამცირებლად.

კომპანიის მიდგომა კაპიტალის მართვის მიმართ არ შეცვლილა მიმდინარე წლის განმავლობაში.

კომპანია არ ექვემდებარება გარეშე სუბიექტის მოთხოვნებს კაპიტალზე.

შენიშვნა 15. ფინანსური ინსტრუმენტების წარდგენა შეფასების კატეგორიების მიხედვით

შეფასების მიზნით ბასს 39-ში, *ფინანსური აქტივები: აღიარება და შეფასება*, ფინანსური აქტივები კლასიფიცირებულია შემდეგ კატეგორიებად: ა) სესხები და დებიტორული დავალიანება; ბ) გასაყიდად არსებული ფინანსური აქტივები; გ) დაფარვის ვადამდე ფლობილი ფინანსური აქტივები; და დ) ფინანსური აქტივები რეალური ღირებულებით მოგების ან ზარალის კატეგორიის მიხედვით “FVთPL”). რეალური ღირებულებით მოცემულ ფინანსურ აქტივებს, მოგების ან ზარალის კატეგორიის მიხედვით, გააჩნიათ ორი ქვეკატეგორია: ი)

შპს დილის პროდუქტები

2017 წლის 31 დეკემბრის მდგომარეობით და ამ თარიღით დასრულებული წლისათვის
(თანხები მოცემულია ათას ლარში, თუ სხვაგვარად არ არის მითითებული)



ამგვარად კლასიფიცირებული აქტივები, მათი საწყისი აღიარებისას, და იი) ისინი, რომელიც კლასიფიცირებულია როგორც ვაჭრობისათვის გამიზნული.

ქვემოთ მოცემულ ცხრილში წარმოდგენილია ფინანსური აქტივების შეჯერება შეფასების ამ კატეგორიებთან 2017 წლის 31 დეკემბრის მდგომარეობით:

2017 წლის 31 დეკემბრის მდგომარეობით:	სესხები და დებიტორული დავალიანება	გასაყიდად არსებული აქტივები	ვაჭრობისთვის გამიზნული აქტივები	აქტივები, რომელიც განსაზღვრულია FVTPL -ის მიხედვით
ფულადი სახსრები და ფულადი სახსრების ექვივალენტები:				
- ნაღდი ფული	11	-	-	-
- საბანკო ნაშთები	985	-	-	-
სავაჭრო და სხვა დებიტორული დავალიანებები:				
-სავაჭრო დებიტორული დავალიანება	1,897	-	-	-
სულ ფინანსური აქტივები	2,893	-	-	-

ქვემოთ მოცემულ ცხრილში წარმოდგენილია ფინანსური აქტივების შეჯერება შეფასების ამ კატეგორიებთან 2016 წლის 31 დეკემბრის მდგომარეობით:

2017 წლის 1 იანვრის მდგომარეობით:	სესხები და დებიტორული დავალიანება	გასაყიდად არსებული აქტივები	ვაჭრობისთვის გამიზნული აქტივები	აქტივები, რომელიც განსაზღვრულია FVTPL -ის მიხედვით
ფულადი სახსრები და ფულადი სახსრების ექვივალენტები:				
- ნაღდი ფული	49	-	-	-
- საბანკო ნაშთები	560	-	-	-
სავაჭრო და სხვა დებიტორული დავალიანებები:				
-სავაჭრო დებიტორული დავალიანება	1,617	-	-	-
სულ ფინანსური აქტივები	2,226	-	-	-

კომპანიის ყველა ფინანსური ვალდებულება ასახულია ამორტიზებული ღირებულებით.

შენიშვნა 16. ფინანსური ინსტრუმენტების რეალური ღირებულება

რეალური ღირებულება არის ის თანხა, რომლითაც ფინანსური ინსტრუმენტი შეიძლება გაიყვას გარიგების მსურველ მხარეებ შორის, გარდა იძულებული გაყიდვისა, ან ლიკვიდაციისა, და მისი საუკეთესო მტკიცებულებაა აქტიურ ბაზარზე კვოტირებული ფასი.

აქტივები, რომელთა სამართლიანი ღირებულება უახლოვდება მათ საბალანსო ღირებულებას. როგორც წესი, იმ ფინანსური აქტივებისა (საბანკო ანგარიშები, მოკლევადიანი დებიტორული დავალიანება) და ვალდებულებების (მოკლევადიანი კრედიტორული დავალიანება) საბალანსო ღირებულება, რომლებიც არის ლიკვიდური, მოთხოვნამდე ან ხასიათდება მოკლევადიანობით (სამთვეზე ნაკლები), უახლოვდება მათ სამართლიან ღირებულებას.

ამორტიზებული ღირებულებით ასახული ვალდებულებები. სავარაუდო სამართლიანი ღირებულება განისაზღვრა მოსალოდნელი ფულადი სახსრების ნაკადების მიხედვით, რომელიც დისკონტირებულია მიმდინარე საპროცენტო განაკვეთების მეშვეობით, რომელთაც ანალოგიური საკრედიტო რისკი და დარჩენილი დაფარვის ვადა გააჩნია (მესამე დონის ამოსავალი მონაცემები ფასს 13 - რეალური ღირებულების შეფასება). მიღებული სესხები და სხვა ფინანსური დავალიანებების საბალანსო თანხები უახლოვდება რეალურ ღირებულებებს.

ამორტიზებული ღირებულებით ასახული ფინანსური აქტივები. ფიქსირებულ საპროცენტო განაკვეთებიანი ინსტრუმენტების შეფასებული ღირებულება ეფუძნება მომავალში სავარაუდო ფულადი სახსრების ნაკადებს, რომელთა მიღებაც მოსალოდნელია მიმდინარე საპროცენტო განაკვეთებით დისკონტირების მეშვეობით (მესამე დონის ამოსავალი მონაცემები ფასს 13 - რეალური ღირებულების შეფასება). მიმდინარე საპროცენტო განაკვეთები



ადებულია იმ ახალი ინსტრუმენტებისგან, რომელთაც ანალოგიური საკრედიტო რისკი და დარჩენილი დაფარვის ვადა გააჩნია. გამოყენებული დისკონტირების განაკვეთები დამოკიდებულია კონტრაგენტის საკრედიტო რისკზე. გაცემული სესხები და სხვა ფინანსური დებიტორული დავალიანებების საბალანსო თანხები უახლოვდება რეალურ ღირებულებებს.

შენიშვნა 17. დაკავშირებული მხარეები

მხარეები ითვლება დაკავშირებულად, თუ ერთ მხარეს აქვს უნარი, გააკონტროლოს მეორე მხარე ან მნიშვნელოვანი გავლენა მოახდინოს მეორე მხარის ფინანსურ და საოპერაციო გადაწყვეტილებებზე. თითოეული შესაძლო ურთიერთკავშირის განხილვისას, ყურადღება ექცევა ურთიერთობის შინაარსს და არა მხოლოდ სამართლებრივ ფორმას.

კომპანიას დაკავშირებულ მხარეებთან ჰქონდა შემდეგი ოპერაციები და ნაშთები:

<i>ხელმძღვანელობის ანაზღაურება</i>	31.12.2017-ით დასრულებული წლისათვის
შრომის ანაზღაურება და სხვა მოკლევადიანი სარგებელი	134
სულ	134

შენიშვნა 18. გაუთვალისწინებელი მოვლენები და ვალდებულებები

სამართლებრივი პროცედურები. პერიოდულად, საქმიანობის ჩვეულებრივი წარმოებისას, კომპანიის წინააღმდეგ შესაძლოა შეტანილ იქნეს სარჩელები. საკუთარი შეფასებებებსა და როგორც შიდა, ასევე გარე პროფესიულ რჩევაზე დაყრდნობით, ხელმძღვანელობის მოსაზრებაა, რომ მნიშვნელოვანი ზარალი არ მიაღებდა კომპანიას სარჩელების გამო და ამდენად, წინამდებარე ფინანსურ ანგარიშგებაში არ არის წარმოდგენილი შესაბამისი ანარიცხები.

საგადასახადო კანონმდებლობა. საქართველოს საგადასახადო და საბაჟო კანონმდებლობა იძლევა სხვადასხვა ინტერპრეტაციის შესაძლებლობას და მასში ხშირად ხდება ცვლილებების შეტანა. კომპანიის მიერ განხორციელებულ ოპერაციებთან და საქმიანობასთან მიმართებით ხელმძღვანელობის მიერ გაკეთებულ კანონმდებლობის ინტერპრეტაციასთან დაკავშირებით შესაძლოა შეკითხვები გაუჩნდეთ შესაბამისი უფლებამოსილ ორგანოებს. საქართველოს საგადასახადო ორგანოები შესაძლოა უფრო დამაჯერებელ და დახვეწილ მიდგომას იყენებენ კანონმდებლობის ინტერპრეტაციისას და საგადასახადო შემოწმებების დროს. ასევე შესაძლებელია, რომ იმ ოპერაციებისა და საქმიანობების მიმართ, რომელთა მიმართაც ადრე არ ჰქონიათ შეკითხვები, ახლა გაჩნდეს შეკითხვები. შედეგად, შესაძლოა განისაზღვროს დამატებითი გადასახადები, საურავები და საპროცენტო განაკვეთები.

About Baker Tilly

Baker Tilly is a full-service accounting and advisory firm that offers industry specialised services in assurance, tax and advisory.

Baker Tilly Georgia LLC trading as Baker Tilly is a member of the global network of Baker Tilly International Ltd., the members of which are separate and independent legal entities.



Contact us

Baker Tilly Georgia LLC
BC Menteshvili Rows
Tbilisi 0105, Georgia
7 Bambis Rigi Street
office@bakertilly.ge
T: +995 032 2 483 999
www.bakertilly.ge